

四庫全書

子部

欽定四庫全書

御定淵鑑類函卷二百八十六

人部四十五

富 禍難

附戒懼

貪富

驕佚 吝嗇

富一

增釋名曰福富也其中多品如富者也 易曰富家大吉 又曰富有之謂大業 詩曰哿矣富人 書洪範五福二曰富 又曰既富方穀 又曰資富能訓惟以永年 禮曰問國君之富數地以對山澤之所出問大

夫之富曰有宰食力祭器衣服不假問士之富以車對
問庶人之富數畜以對 孝經曰滿而不溢所以長守
富也 家語曰以富貴而下人不與以富貴而敬
人何人不親 又曰魯哀公問政於孔子孔子曰政之
急莫大乎使人富且壽也公曰為之奈何孔子曰省力
役薄賦斂則民富矣公曰寡人欲行夫子之言恐吾國
貧矣孔子曰詩云豈弟君子民之父母未有子富而父
母貧者 韓詩外傳曰玉不琢不成器人不學不成行

家有千金之玉不知治猶之貧也良工宰之則富及子
孫戰國策司馬錯曰欲富國者務廣其地欲強兵者
務富其民又蘇秦說齊宣王曰臨淄甚富而實其民
無不吹竽鼓瑟彈琴擊筑鬪雞走狗六博蹋踘者臨淄
之塗車轂擊人肩摩連衽成帷舉袂成幕揮汗成雨家
殷人足志高氣揚史記曰君子富好行其德小人富
以適其力淵深而魚生之山深而獸往之人富而仁義
附焉是故本富為上末富次之姦富最下又曰今有

無秩祿之奉爵邑之入而樂與之比者命曰素封陸地
牧馬二百蹄牛蹄角千千足羊澤中千足羸水居千石
魚陂山居千章之材安邑千樹棗燕秦千樹栗蜀漢江
陵千樹橘淮北常山以南河濟之間千樹荻陳夏千畝
漆齊魯千畝桑麻渭川千畝竹及名國萬家之城帶郭
千畝畝鍾之田若干畝庖菑千畦薑韭此其人皆與千
戶侯等然是富給之資也不窺市井不行異邑坐而待
收身有處士之義而取給焉 又曰夫用貧求富農不

如工工不如商刺繡文不如倚市門此言末業貧者之

資也 前漢書曰浮食奇民欲擅幹山海之貨以致富

羨 公孫宏策曰不奪民時不妨民力則百姓富 老

子曰我無事而民自富 管子曰務五穀則食足養桑

麻育六畜則民富 莊子曰有萬不同之謂富

無所不有也

韓非子曰耕之用力也勞而民為之者曰可以得富

也 淮南子曰得道者不待財而富 說苑曰楚王問

莊辛曰君子之富奈何對曰君子之富假貸人不買也

餘食人不使不役也親戚愛之罪人善之不肖者事之
皆欲其壽樂不傷於患此君子之富也 論衡曰百金
之家境外無絕交千乘之國同盟無廢贈財多故也使
穀食如水火雖貪吝之人越境而布施矣 鹽鐵論曰
古者無出門之祭今富人祈名嶽望山川椎牛擊鼓戲
倡舞像中者南居當路水上雲臺屠牛殺狗鼓瑟吹笙
又曰古人無杠櫓之寢牀移之案今富人黼黻幃幄
塗屏錯跗中者錦綈高張采畫丹漆 又曰古者無茵

席之加旃弱之美今富人繡茵翟柔蒲子露林中者獮

皮代旃闌坐平筦

又曰古者土鼓

音出

音槐

杵擊木拊

石以盡其歡無要妙之音變羽之轉今富人鍾鼓五樂

歌兒數曹中者鳴箏調瑟鄭舞趙謳

又曰古者庶人

鹿菲草芟縮絲尚韋而已今富人革中名工輕靡使容

紈裏紉下越端縱緣中者鄧里間作蒯苴秦堅婢妾韋

沓絲履走者茸芟狗官

原初學記曰夫貴者必富而

富者未必貴也故士之欲貴乃為富也然欲富者非為

貴也從是觀之富人之所極願也 增唐書曰夫財之

所生必因人力有藏於襟懷囊篋物貴而人莫窺者有

塲圃困倉直輕而人以為富者 宋紀程頤曰聖人奉

天理物之道在乎六府六府之任治於五官山虞澤衡

各有常禁故萬物阜豐而財用不乏 宋蘓洵曰耕者

之田資於富民富民之家地大業廣阡陌連接募召浮

客分耕其中鞭笞驅役視以奴僕安坐四顧指麾於其

間而役屬之民夏為之耨秋為之穫無有一人違其節

度以嬉而田之所入已得其半耕者得其半有田者一人而耕者十人是以田主日累其半以至於富 蘇軾曰夫民方窮困時所望不過十金之資寬然而有餘及一旦稍稍蓄聚衣食既足則心意之欲日以漸廣是以富而愈貪 文獻通考宋葉適曰今俗吏欲抑兼并破富人以扶貧弱者意則善矣此可隨時施之於其所治耳非上之所恃以為治也夫州縣獄訟繁多終日之力不能勝大半為富人役耳是以吏不勝忿常欲起而誅

之縣官不幸而失養民之權轉歸於富人其積非一世也小民之無田者假田於富人得田而無以為耕假貲於富人歲時有急求於富人其甚者傭作奴婢歸於富人游手末作俳優技藝傳食於富人而又上當官輸雜出無數吏常有非時之責無以應上命常取具於富人然則富人者州縣之本上下之所賴也富人為天子養小民又供上用雖厚取贏以自封殖計其勤勞亦略相當矣歐陽修曰古者計口而受田家給而人足

富二

增漢書曰生人之本興自神農之世斲木為耜揉木為耒耒耜之利以教天下而食足日中為市致天下之民聚天下之貨交易而退各得其所而貨通食足貨通然後國實民富而教化成 五帝紀曰炎帝之世其俗樸重端慤不忿爭而財足 五帝外紀曰帝堯巡狩至於華華封人祝曰請祝聖人使聖人富壽多男子 漢鼂錯傳曰人情莫不欲富三王厚而不困也 禮記曰殷

人貴富而尚齒 晉書曰九土既敷四民承範東吳有
齒角之饒西蜀有丹砂之富兗豫漆絲之膾燕齊怪石
之府秦邠旄羽迥帶琅玕荆郢桂林旁通竹箭江干橘
柚河外舟車遼西旃罽之鄉蔥右補苴之駿殖物怪錯
於何不有若乃上法星象下料無外因天地之利而總
山海之饒百畝之田十一而稅九年躬稼而有三年之
蓄可以長孺齒可以養耆年因乎人民用之邦國宮室
有度旗章有序朝聘有其儀宴享有其制家殷國阜遠

至邇安商周之興用此道也 國語曰秦后子來仕其

車千乘楚公子干來仕其車五乘叔向為太傅實賦祿

韓宣子問二公子之祿焉對曰大國之卿一旅之田上

大夫一卒之田夫二公子者上大夫也皆一卒可也宣

子曰秦公子富若之何其均之也對曰夫爵以建事祿

以食爵德以賦之功庸以稱之若之何其以富賦祿也

夫絳之富商韋蒲木楫

韋蒲韋蓆前後木槌木簷也

以過於朝惟其

功庸不稱而能金玉其車文錯其服能行諸侯之賄而

無尋尺之祿無大績於民故也且楚秦匹也若之何其
回於富也 史記管仲列傳曰管仲既任政相齊在海
濱通貨積財富國強兵 左傳曰宋人或得玉獻諸子
罕子罕弗受寘諸其里使玉人為之攻之富而後使復
其所 注賣玉得富急以與得玉者而還歸焉 史記曰范蠡既雪會稽之

恥乃喟然而歎曰計然之策七越用其五而得意既已
施於國吾欲用之家乃乘扁舟浮於江湖變名易姓適
齊為鴟夷子皮之陶為朱公朱公以為陶天下之中諸

侯四通貨物所交易也乃治產積居與時逐而不責於人故善治生者能擇人而任時十九年之中三致千金再分散與貧交疏昆弟此所謂富好行其德者也子孫修業而息之遂致巨萬故言富者皆稱陶朱公 又曰

子貢既學於仲尼退而仕於衛廢著鬻財於曹魯之間七十子之徒賜最為饒益結駟連騎束帛之幣以聘享諸侯所至國君無不分庭與之抗禮

著猶居也音貯

劉向新

序曰魯孟獻子聘於晉韓宣子觴之飲三徒鍾石之懸

不移而具獻子曰富哉宣子曰子之家孰與我富獻子
曰吾家甚貧惟有二士曰顏回茲無靈者使我邦家安
平百姓和協客出宣子曰彼君子也以養賢為富我鄙
人也以鍾石金玉為富 韓詩外傳曰子路與巫馬期
薪於韞丘之下陳之富人 有處師氏者脂車百乘觴於
韞丘之上子路與巫馬期曰使子無忘子之所知亦無
進子之所能得此富終身無復見夫子子為之乎巫馬
期喟然仰天而歎闐然投鏹於地曰吾嘗聞之夫子勇

士不忘喪其元志士仁人不忘在溝壑子不知予與試
予與意者其志與 列子曰齊之國氏大富宋之向氏
大貧自宋之齊請其術國氏告之曰吾善為盜也一年
而給二年而足三年而富穰自此以往施及州閭向氏
大喜喻其為盜之言而不喻其為盜之道遂踰垣鑿室
手目所及亡不探也未及時以賊獲罪沒其先君之財
向氏以為國氏之謬已也往而怨之國氏曰若為盜若
何向氏言其狀國氏曰嘻若失為盜之道至此乎今將

告若矣吾聞天有時地有利吾盜天地之時利雲雨之
滂潤山澤之產育以生吾禾殖吾稼築吾垣建吾舍陸
盜禽獸水盜魚鼈夫禾稼土木禽獸魚鼈皆天之所生
豈吾之所有然吾盜天而無殃夫金玉珍寶穀帛貨財
人之所聚豈天之所與若盜之而獲罪奚怨哉向氏大
惑以為國民之重罔已也 列女傳曰周陶答子為陶
大夫治陶三年家富三倍其妻諫之曰妾聞南山有玄
豹霧雨七日不下食何也飽其志飢其腹將欲以澤其

毛羽而成其文章也故藏而遠害豕不擇食以肥身坐而須死夫子治陶家日益富而國日益貧逢禍必矣

漢書食貨志曰秦孝公用商君壞井田開阡陌王制遂滅僭差無度庶人之富者累巨萬 史記貨殖列傳曰

白圭周人也樂觀時變故人棄我取人取我與能薄飲食忍嗜欲節衣服與用事僮僕同苦樂趨時若猛獸鷙鳥之發蓋天下言治生祖白圭 又趙世家曰烈侯好音謂相國公仲連曰寡人有愛可以貴之乎公仲曰富

之可貴之則否 又曰漢興七十餘年之間國家無事

非遇水旱之災民則人給家足都鄙廩庾皆滿而府庫
餘貨財京師之錢累巨萬貫朽而不可校太倉之粟陳
陳相因充溢露積於外至腐敗不可食衆庶街巷有馬
阡陌之間成羣而乘字牝者擯而不得聚會守閭閻者
食梁肉為吏者長子孫居官者以為姓號故人人自愛
而重犯法先行義而後紬恥辱焉當此之時網疎而民
富 漢書陳平傳曰平少家貧無與婚者有富人張負

謂子仲曰豈有美如陳平而長貧者乎遂以孫女嫁之
又曰吳以諸侯即山鑄錢富埒天子 史記曰鄧通
蜀郡南安人也文帝說焉賞賜通巨萬以十數使善相
者相通曰當貧餓死文帝曰能富通者在我也何謂貧
乎於是賜鄧通蜀嚴道銅山得自鑄錢鄧氏錢布天下
其富如此 魏其武安侯傳曰武安侯田蚡孝景后同
母弟也治宅甲諸第田園極膏腴而市買郡縣器物相
屬於道前堂羅鐘鼓立曲旃後房婦女以百數諸侯奉

金玉狗馬玩好不可勝數 梁孝王世家曰孝王未死

時財以巨萬計及死藏府餘黃金尚四十餘萬斤他財

物稱是 又貨殖傳曰夫織嗇筋力治生之正道也而

富者必用奇勝田農拙業而秦陽以蓋一州掘冢姦事

也而田叔以起博戲惡業也而桓發用之富行賈大夫

賤行也而雍樂成以饒販脂辱處也而雍伯千金

戴角者曰

脂無角曰膏

賣漿小業也而張氏千萬洒削薄技也而郅氏

鼎食

削刀者名洒削謂摩刀以水洒之也

胃脯簡微耳濁氏連騎馬醫淺

方張里擊鐘此皆誠壹之所致由是觀之富無經業則
貨無常主能者輻湊不肖者瓦解千金之家比一都之
君巨萬者乃與王者同樂豈所謂素封者耶非也 又

曰蜀卓氏之先趙人也用鐵冶富秦破趙遷卓氏卓氏
見擄略獨夫妻推輦行詣遷處諸遷擄少有餘財爭與
吏求近處處葭萌唯卓氏曰此地狹薄吾聞岷山之下
沃野下有蹲鴟至死不飢民工於市易賈乃求遠遷致
之臨邛大喜即鐵山鼓鑄運籌策傾滇蜀之民富至僮

千人田池射獵之樂擬於人君 司馬相如傳曰臨邛

中多富人而卓王孫家僮八百人程鄭亦數百人 漢

書張安世傳曰安世尊為公侯食邑萬戶能殖其貨富

於大將軍光 王充論衡曰揚子雲作法言蜀富賈人

齎錢十萬願載於書子雲不聽曰夫富無仁義猶園中

之鹿欄中之羊也安得妄載 拾遺記曰郭況光武皇

后之弟也累金數億家僮數百餘人以黃金為器攻治

之聲震於都鄙時人謂郭氏之室不雨而雷言其鑄鍛

之聲盛也庭中起高閣長廡置衡石於其上以稱量珠
玉閣下有藏金窟列武士以衛之錯雜寶以飾臺榭懸
明珠於四垂晝視之如星夜望之如日里語曰洛陽多
錢郭氏寶夜日晝星富無匹 蜀志曰廉竺祖世貨殖
僮客萬人貨財如山大珠如卵謂之寶庭 三國杜畿
傳曰畿為河東太守課民畜犝牛草馬下逮雞豚犬豕
皆有章程百姓勸農家家豐實畿乃曰民富矣不可不
教也 王世貞宛委餘編曰何曾食日萬錢子幼日二

萬錢任愷一食萬錢和嶠日三萬錢高陽王元雍一食
數萬錢杜岐公恂日五食一食萬錢李衛公德裕至一
杯羹二萬錢韋侍郎陟至厨中棄遺直萬錢元丞相載
用食物碗器至三千事 陶潛搜神後記曰晉太元初

廬陵巴丘人文晁者

一作周晁

世以田作為業秋收已過刈

穫都畢明旦至田禾悉復滿湛然如初即便更穫所穫
盈倉於此遂為巨富 晉書石崇傳曰崇字季倫財產

豐積室宇宏麗後房百數皆曳紈繡珥金翠絲竹盡當

時之選庖膳窮水陸之珍與貴戚王愷羊琇之徒以奢靡相尚愷以飴澳金崇以蠟代薪愷作紫絲步障四十里崇作錦步障五十里以敵之崇塗屋以椒愷用赤石脂崇愷爭豪如此武帝每助愷嘗以珊瑚樹賜之高二尺許枝柯扶疎世罕所比愷以示崇崇便以鐵如意擊之應手而碎愷既惋惜又以為疾已之寶聲色方厲崇曰不足多恨今還卿乃命左右悉取珊瑚樹有高三四尺者六七株條幹絕俗光彩耀目如愷比者甚衆愷恍

然自失矣 陶侃傳曰侃媵妾數十家僮千餘珍奇寶

貨富於天府 刁達傳曰達兄弟子姪並不拘名行以

貨殖為務田有萬頃奴婢數千人餘貲稱是 隋書曰

隋文帝十二年有司上言庫藏皆滿帝曰朕既薄賦於

人又大經賜用何得爾也對曰用處常出納處常入略

計每年賜用至數百萬段曾無減損於是乃更闢左藏

之院構屋以受之下詔曰既富而教方知廉恥寧積於

人無藏府庫河北河東今年田租三分減一兵減半功

調全免 唐書曰貞觀初戶不及三百萬絹一匹易米一斗至四年米斗四五錢外戶不閉馬牛被野人行數千里不齎糧 又曰天寶時海內富實斗米之價錢錢十三青齊間斗纔三錢絹一匹錢二百道路列肆具酒食以待行人店有驛驢行千里不持尺兵天下稅入之物租錢二百餘萬緡粟千九百八十餘萬斛庸調絹七百四十萬匹綿百八十餘萬屯布千三十五萬餘端 獨異志曰唐明皇嘗召王元寶問其家財多少對曰臣請

以絹一匹繫陛下南山樹南山樹盡臣絹未窮 唐書

楊貴妃列傳曰貴妃得寵兄銛錡國忠諸姨五家第舍

聯亘擬憲宮禁率一堂費緡千萬見他第有勝者輒壞

復造務以瓌侈相夸詡每帝幸華清宮五宅車騎皆從

家別為隊隊一色俄五家隊合爛若萬花川谷成錦繡

遺鈿墮鳥瑟瑟璣琲狼籍於道香聞數十里 郭子儀

傳曰子儀歲入官俸無慮二十四萬緡宅居親仁里四

分之一中通永巷家人三千相出入不知其居前後賜

良田美器名園甲館不可勝紀 元載傳曰載久得君

關通貨賄城中開南北二第室宇奢廣當時為冠近郊
作觀榭帳幣什器不徙而供膏腴別墅疆畛相望具數
十區名姝異伎雖禁中不逮大歷十二年詔賜載自盡
籍其家鍾乳五百兩胡椒至八百石他物稱是 獨異

志曰唐宰相王涯庭穿大井以珍珠瓊壁投置水中汲
水供涯飲後肉色並如金 五代史房知溫傳曰知溫
在鎮積貲巨萬治第青州南城出入以聲伎游嬉卒於

官將吏分其餘貲者皆為富家云 遼史曰契丹舊俗

其富以馬 稗編元漕法志曰元海運自朱清張瑄始

歲運江淮米三百餘萬石以給元京四五月南風至起

運得便風十數日即抵直沽交卸朝廷以二人之功立

海運萬戶府以官之賜鈔印聽其自印鈔色比官造加

黑印朱加紅富遂埒國 又曰明沈富字仲榮行三故

吳人呼沈萬三為江南第一家二子茂旺太祖定鼎金

陵召廷見令歲獻白金千錠黃金百斤甲馬錢穀多取

資於茂茂後得罪發遼陽從戎又穴地得金牛馬亦累
千云 明初政記曰洪武嘗問戶部天下民孰富對曰
以田賦較之惟江浙多富室若蘇州一郡民歲輸糧百
石至四百石者四百九十戶五百石至千石者五十六
戶千石至二千石者六戶二千石至三千八百石者二
戶計五百四十四戶而歲輸至五十萬有奇上曰富民
多豪強故民受其累宜召之來朕時勉諭之於是諸郡
富民入見諭之皆頓首謝復賜酒食遣之

富三

原素封 丹穴

上詳富一 漢書巴寡婦清先得丹穴而擅其利以致富

金溝

錢井

晉書王濟傳濟性豪侈麗服玉食時洛京地甚貴濟買地為馬埵編錢滿之時人謂之金溝 風俗

通河南平陰龐儉遭倉卒之時隨母流轉客居廬中鑿井得錢千萬遂因得富

銅山 金穴

上詳富二 拾遺記漢郭況累金數億以玉器盛食故東京謂郭氏家為瓊廚金穴

藩身 潤

屋

左傳貨以藩身 大學曾子曰富潤屋 大

增寶精 財雄

九國志王處回積巨萬計

蜀中富家罕與比先在太原家甚貧有善相者周元豹指謂曰此子寶精也他日當大富果如其言 漢班固

自叙遠祖以

財雄北邊

犀犬

玉豚

搜神記元康中瑤懷家忽聞池中有犬聲視之得犬

子雄雄各一長老云此名屏犬得之者富
杭人沈縱家素貧與父同入山得一玉豚從此所向如

意田蠶並

收家遂富

掣鑲傳鈎

寰宇記牛渚北所有石周圍三丈許漁人見金牛自水而

出盤於此石義興周雲甫嘗見此牛竊伏石上旁有金鎖如索繩雲甫素銳勇往掩此牛掣斷其鎖得二尺許遂以財雄搜神記京兆有張氏者獨處室有鴛自外入於室止於對牀張氏披懷而祝曰為我福耶來入我懷鴛鵒入懷以手探之得一金帶鈎焉自後子孫貨財萬倍故闔西稱張氏傳鈎

銀槽寶

井

伽藍記河間王琛遣使向西域求名馬逮至波斯國得千里馬號曰追風赤其次有七百里馬十餘匹皆

有名字以銀為指全為鎖環諸王服其豪富拾遺記范蠡相越日致千金家僮閭算術者萬人收四海難得之貨盈積於越都以為器銅鐵之類積如山阜或藏之井壑謂之寶井

怨府通人

清暑

筆談富者怨之府
論衡通人猶富人

飛錢種珠

此明錄海陵人黃尋常因大風雨散

錢飛至其家拾而得之尋巨富錢數至千萬南唐近
事陳繼善自江寧尹拜少傅致仕富於資產杜絕賓客
惟自荷以鋤理小國成畦取真珠布土壤間
若種蔬狀既種俯拾周而復始以此為樂焉
足穀

多田

北夢瑣言相國韋宙善治生江陵府東有別業良
田美產最號膏腴積稻如坵皆為滯穗咸通初授

嶺南節度使懿宗以番禺珠翠之地垂貪泉之戒宙從
容奏曰江陵莊積穀尚有七千固無用貪矣帝曰此所
謂足穀翁也唐盧從愿傳從愿畝
殖產占良田數百頃帝目為多田翁
害粟載金
史記

貨殖傳宣曲任氏之先為督道倉吏秦之敗也豪傑皆
爭取金玉而任氏獨害粟楚漢相距滎陽民不得耕種
米石至萬而豪傑金玉盡歸任氏任氏以此起富
錦繡萬花谷唐馮益豪俠入朝載金一柯自隨
原

積財如山 閉門成市

王隱晉書石崇百道營生積財如山 東觀漢記樊重素富閉

門成市

輜車千乘 僮客萬人

史記穰侯出關輜車千乘 蜀志廉竺僮客萬

人貲產

曰安曰富

謂賞謂殃

周禮以保息養萬民 六曰安七曰富謂平

巨萬

其稅不專取也

左傳子服惠伯謂叔孫曰天殆富注

人慶封又富矣穆子曰善人富謂之賞注人富謂之殃

天其殃之也

計算帛金

秤量珠玉

徐廣晉紀王戎殖財賄家僮數百計算金

帛有如不足 下

史稱陶白

漢著程羅

史記范蠡白圭事詳

郭況事詳富二

富二 漢書程鄭治鑄富埒卓

氏又曰成都羅袞貲至鉅萬

不過百乘 三致千

金

禮記家富不過百乘 史記范蠡善治生十九年三致千金

增漿酒霍肉 金

璽玉鍾

漢書鮑宣上書曰奈何獨私養外親與幸臣董賢多賞賜以千萬數使奴從賓客漿酒霍肉蒼

頭盧兒皆用致富非天意也

鹽

原饌飾綵績

谷

鐵論富者銀口黃耳金璽玉鍾

量馬牛

宋史石保吉傳保吉累世將相家多財所在有邸舍別墅雖饌品亦飾以綵績漢書烏氏藏

畜牧及衆斥賣求奇繪物間獻遺戎王戎王十倍其價與之畜畜至用谷量牛馬

增擬于公

室比之邦君

史記管仲傳管仲富擬于公室有三歸反玷齊人不以為侈後漢陰興傳宣

帝時陰子方者臘日晨炊而竈神形見子方再拜受慶家有黃羊因以祀之自是以後暴至巨富田有七百餘

頃與馬僕隸

兼有山海資之天地

伽藍記高陽王雍為丞相給羽

比之邦君

葆鼓吹虎賁班劍百人賁極人臣富兼山海宋王安石與馬運判書欲富天下則資之天地

金瓶

銀甕 珠殿玉堂

伽藍記河間王琛嘗會宗室陳諸寶器有水晶鉢瑪瑙瑯玕赤玉卮數十

枚作工奇妙中土所無皆自西域而來金瓶銀甕百餘口甌盤合稱是又陳女樂及諸名馬復引諸王按行府庫錦扇珠璣冰羅霧縠充積其內五代南漢劉龔世家龔好奢侈悉聚南海珍寶以為玉堂珠殿

牀為玳瑁

窓有珊瑚

西京雜記韓嫣以玳瑁為牀唐沈佺期七夕曝衣篇瑤瑁筵

中別作春珊瑚窓裏翻成畫

衆人之怨

君子所辭

漢疏廣傳廣曰富者衆人

之怨也禮記君

皆及十世

不出微財

南中志益州西部金

子辭富不辭貧

銀寶貨之地居其官者皆富及十世九經制財章富不出微財

當畜五特

願足

百羊

孔叢子猗頓魯之窮士聞朱公富往而問術公告曰子欲速富當畜五特乃適河東大畜牛羊于猗

氏之南滋息以典故曰倚頓金樓子魏文侯見宋陵
子三仕不願文侯曰何貧乎曰王見楚富者牧羊九十
九而願百常訪邑里故人其鄰人貧有一羊者富拜
之曰吾羊九十九今君之一盈成我百則牧數足矣

北路南路

黃衣白衣

南史徐君蒨傳君蒨為湘東王鎮西諮議參軍頗好聲色侍妾

數十皆佩金翠曳羅綺服玩悉以金銀時襄陽魚宏亦
以豪侈稱于是府中謠曰北路魚南路徐稽神錄陳

尚書言某昔在鄉里性疎簡喜賓客嘗有二道一黃衣
一白衣詣其家求宿舍之廳事夜聞二客牀上鉤然有

聲久之若無人秉燭視之見白衣下乃銀人也黃衣不復見家遂富

彈以金丸

躡皆

珠履

西京雜記漢韓嫣好彈以金為丸所失者日有十
餘長安為之語曰苦饑寒逐彈丸史記楚春申

君賓客三千人皆躡珠履

可埒王者

不如儒生

史記貨殖傳倚頓用鹽鹽起而

邯鄲郭縱以鐵冶成業與王者
埒富 論衡富人不如儒生

後自能得 此安可

加 晉石崇傳崇父苞臨終分財物與諸子獨不及崇其
母以為言苞曰此兒雖小後自能得 南史廬陵威
王績傳績耽色愛財極意收斂倉儲庫藏盈溢臨終有
啓遺中錄事參軍謝宣融送所上金銀器千餘件武帝
始知其富以為財多德寡因問宣融曰王
金盡於此乎宣融曰此之謂多安可加也 連車列騎

藏新食陳

鹽鐵論富者連車列騎駟輻輳 又往
者未伐胡越之時田賦省而民富足溫衣

飽食藏新食陳布帛充用牛馬成
羣農夫以馬耕載而民莫不騎乘

樹榆成籬 吐金

滿釜

三國鄭渾傳渾為山陽魏郡太守以郡下百姓苦
乏材木乃課樹榆為籬並並樹五果榆皆成籬五

果豐實入魏郡界邛落齊整如一民得財足用饒 述
異記晉時晉陵薛願家有虹飲釜中水須臾而竭願因

以酒祝而益之虹復飲盡
吐金滿釜而去願家大富

不待委積

欲為繫援

韓詩

外傳安命養性者不待委積而富
國語董叔將取于范氏叔向曰范氏富盡已乎曰欲為繫援焉

雨

金十斛

種橘千頭

述異記翁仲孺家貧力作居渭川
一日天雨金十斛于其家

姓譜

三國吳李衡每欲理產業妻習氏不許衡密遣人于龍
陽種橘千株臨終戒其子曰汝毋惡吾營家故家貧如
此吾于沔川種橘乃千頭本奴不貴汝衣食
又史遷言江陵千樹橘其人與千戶侯等

王清買

栗

元寶視龍

酉陽雜俎唐元和初洛陽邨百姓王清
買田畔一枯栗樹經宿為隣人盜斫創

及腹忽有黑蛇舉首如臂人語曰我王清木也汝勿斫
其人驚懼失斤而走及明王清率子孫薪之復掘其根
根下得大瓮二散錢實之王清因是獲利而歸十餘年
巨富遂覓錢成龍形號王清木
春渚記聞昔唐明皇

見一龍橫亘南山而首尾皆具詢之左右侍臣或有見
有否者所見者亦止見龍之一體未見全龍也帝曰朕
聞至富可敵至貴令召王元寶
視之元寶奏稱所見與帝同
皆飾龍鳳 不設檯

梓

五代晉臣傳天福八年秋出帝幸大年莊還置酒景
延廣第延廣所進器服鞍馬茶牀椅榻皆裹金銀飾

以龍鳳 錦繡萬花谷唐宰相楊國忠家富凡有賓客

設酒則不設檯梓令妓女各執其事號曰肉檯梓又冬

月則令妓女圍

之號肉屏風

涇渭溉田

黃紫標庫

前漢張禹傳禹內殖貨財

家以田為業及富貴多買田至四百頃皆涇渭灌溉極
膏腴上賈他財物稱是 南史梁臨川靜惠王宏傳宏

性愛錢百萬一聚黃榜標之千萬一庫懸
一紫標如此三十餘間計見錢三億餘萬

庭中栽樹

各出一枝

樓上扣鐘便輸十萬

姓譜宋馮大亮見樵
叟八人各出枰木一

枝才五六寸曰可栽庭中樹徑尺則家財百萬旬月而樹凌空金玉自至中朝故事京輩自黃巢退後修葺殘毀之處時定州有王酒胡居于上都巨富納錢三十萬貫助修朱雀門僖宗詔令重修安國寺畢親降車輦以設大齋乃扣新鐘十撞捨錢一萬貫命諸大臣各取意而擊上曰有能捨一千貫文即打一槌齋罷王酒胡半醉而入逕上鐘樓連打一百下便運錢十萬入寺

被裁百幅酬太守之前言

錢用一文見郡王之獨坐

姓譚梁棗之橫少好賓游重氣俠不事產業兄之高

以其縱誕乃為狹被蔬食以激厲之之橫歎曰大丈夫富貴必作百幅被遂與僮僕數百人于芍陂大營田野遂至殷富後除吳興太守乃作百幅被以成其志委巷叢談宋南渡諸將韓世忠封新王楊沂中封和王張俊封循王俱享富貴之極而俊復善治生其罷兵而歸歲收租米六十萬斛紹興間內宴有優人作善天大者

云世間貴官人必應星象我悉能窺之法當用渾儀設
玉衡若對其人窺之見星而不見其人若玉衡不能測
辨用銅錢一文亦可乃令窺光堯曰帝星也秦師垣曰
相星也韓蘄王曰將星也張循王曰不見其星衆皆駭
復令窺之曰中不見星只見張郡王在
錢眼內坐殿上大笑俊最多貨故識之

波潮噴激真

推袁氏之名園

珠玉贈遺咸羨王郎之善筆

西京雜記茂陵

富人袁廣漢藏鏹巨萬家僮八九百人於北邙山下築
園東西四里南北五里構石為山高十餘丈連延不斷
牦牛青兕奇獸委積積沙為洲與激水為波湖蓄白鴨
鵝紫鴛鴦于中江鷗海鶴孕雛產鵝奇花異草靡不具
植屋皆徘徊連屬重閣修廊行之移晷不能偏也拾
遺記琅邪王濟家貧不得仕乃挾竹簡插筆於洛陽市
傭書美於形貌又多文辭來僦其書者丈夫贈以衣冠
婦人遺以珠玉一日之中衣寶盈車而歸積粟於廩九

族宗親莫不仰其衣食
洛陽稱為善筆而得富

戒懼

附

原知止

能散

老子知止者富
禮積而能散

不貪

周施

左傳子罕曰我

以不貪為寶

後漢書折象父國為鬱林太守有貨財

二億家僮千八百人及國卒象感多藏厚亡之義乃散

金帛資產

增賑施宗族

泛游湖湘

三國志溫恢傳
恢內足于財曰

周施親踈

世方亂安以富為一朝盡散賑施宗族州里高之比之

邨越已瘡編洪武初嘉定安亭萬二富甲一郡嘗有

人自京師回問其何所見聞其人曰上近日有詩云百

僚未起朕先起百僚已睡朕未睡不如江南富足翁日

高丈五猶披被萬歎曰兆已萌于此矣即以家貲付託

諸僕買巨船載妻子泛游湖湘而去不二年江南大族

以次籍沒獨
萬獲令終

驕佚
附

原服文彩

食膏粱

老子服文彩厭飲食是為盜夸
國語膏粱之性難正也言易驕難

正

增皆窮上品

猶無下箸

南史到搗傳搗資籍豪
富厚自奉養供一身一

月十萬宅宇山池伎妾姿藝皆窮上品
晉書何曾傳
曾字穎考性奢豪務在華侈惟帳車服窮極綺麗厨膳
滋味過于王者每燕見不食大官所設帝輒命取其食
蒸餅上不拆作十字不食食日萬錢猶曰無下箸處

烏羽擇米

人乳蒸肫

唐書韋陟傳陟性侈縱侍兒
列左右常數十窮治饌羞以

烏羽擇米每食厨中所棄猶不減萬錢常以五米牋為
書使侍妾主之裁答授意而已陟惟署名自謂所書陟

字若五朶雲時人慕之號卹公五雲體晉書王濟傳
帝常幸濟宅供饌甚豐悉貯琉璃器中蒸肫甚美帝問
其故答曰以人乳蒸之

塗巷盈滿

錦繡牽持

南史徐湛之傳
湛之貴戚豪強

產業甚厚室宇園池資游莫及伎樂之妙冠絕一時門
生千餘皆三吳富人子姿質端美衣服鮮麗每出入行
游塗巷盈滿泥雨日恣以後車載之五代王鎔傳鎔
襲成德軍節度使梁太祖以女妻之即位封趙王鎔驕
于富貴又好左道鍊丹藥求長生與道士王若訥留遊
西山登王母祠使婦人維錦繡牽持而上每出逾月忘
歸

各執一器

必費萬錢

五代南唐孫晟傳晟事李
昇父子二十餘年官至司

空家並富驕每食不設几案使衆伎各執一器環立而
侍人梁趙犢傳犢子巖自以有功又尚長樂公主聞
唐駙馬杜棕位至將相自奉盛豐恥其不及乃占天下
良田大宅哀列商賈其門如市租庸之物半入其私巖

一飲食必

貴萬錢

閣名多寶

館造迎風

宋賈似道傳時襄陽園已急似道日

坐葛嶺起樓閣亭榭取官人倡尼有美色者為妾日淫樂其中惟故博徒日至緹博人無敢窺其第者嘗與羣

妾踞地鬪蟋蟀所仰客入戲之曰此軍國重事耶酷嗜寶玩建多寶閣日一登玩伽藍記河間王琛嘗語人

云石崇乃是庶姓猶能雉頭狐腋畫茅雕薪况吾大魏天潢不為華侈造迎風館于後園窓户之上列錢青瑣

玉鳳銜鈴金龍吐佩素奈朱李枝條入簷伎女樓上坐而摘食

苑包山藪

舫立亭

池後漢梁冀傳冀大起第舍冀妻孫壽亦對街為宅彈竭土木互相誇競堂寢皆有陰陽奧室連房洞户柱

壁雕鏤加以銅漆窓牖皆有綺疏青瑣圖以雲氣仙靈臺閣周通更相臨望飛梁石磴凌跨水道金玉珠璣異方珍怪充積藏室遠致汗血名馬又廣開園圃採土築山十里九坂以象二嶠深林絕澗有若自然奇禽馴獸

飛走其間冀奇共乘輦車張羽蓋飾以金銀遊觀第內
多從娼妓鳴鐘吹管酣謳竟路或連繼日夜以騁娛恣
客到門不得通皆請謝門者門者累千金又多拓林苑
禁同王家西至宏農東界滎陽南極魯陽北達河淇包
含山藪遠帶邱荒周旋封域殆將千里南史孫瑒傳
瑒居家頗失於侈家庭穿築極林泉之致歌童舞女當
世罕儔賓客填門軒蓋不絕及出鎮鄆州乃合十餘船
為大舫于中立亭池植芰荷每良辰美景賓僚並集泛
長江而置酒亦一時之勝賞焉

禍難

附

原將殲必毀

左傳慶封奔吳吳與之朱方富于其舊
穆子曰天其殃之也其將聚而殲旃

白帖盈必
毀天之道

生孽

賈害

左傳蘓利生孽又虞叔有
玉虞公求旃弗獻既而悔之

曰周訪有之白匹夫無罪懷璧其罪吾焉用此其以賈害也

焚身

覆餗

左傳象有齒以

焚其身

易鼎

折足覆公餗

陳車服

墜腐鼠

左傳鄭駟秦富而侈墜大夫也而常

陳卿之車服于其庭鄭人惡而殺之列子虞氏梁之富人錢帛無量登高樓臨大路陳酒擊博俠客相隨而行飛鳶適墜其腐鼠中俠客俠客相謂曰虞氏富樂乃辱我以腐鼠乃聚衆攻之滅其家

貪富

附

原行妨

欲縱

老子難得之貨令人行禮記欲不可縱

載寶

飲泉

檀弓南宮敬叔反必載寶而朝晉書吳隱之傳廣州石門有水曰貪泉飲者懷無厭之欲

增怙

勢

敵國

宋符彥卿傳彥卿鎮大名以政委牙校劉思過思過貪黠怙勢做貨財公府之利多入其

家 宋秦檜傳檜開門受賂富

敵于國外國珍寶死猶及門

市帶償價 行服分

資

五代漢蘇逢吉傳逢吉納貨賂市權鬻官誘者謹諱鳳翔李永吉初朝京師逢吉以永吉故秦王從驥子

家世王侯當有奇貨使人告永吉許以一州而求其先

王玉帶永吉以無為解逢吉乃使人市一玉帶直數千

緡責永吉償之金呼都克傳呼都克以后戚賊污不家

法其在橫海拜富人為父及死為其行服而分其資

成市里 室充珍玩

晉羅尚傳尚性貪富擬魯衛家成市里貪如豺狼無復極已又王

國寶傳國寶貪縱聚斂不知紀極後房伎妾以百數天下珍玩充滿其室

入庫取帶 給

麻助緡

北史達奚武傳武性貪吝其為大司寇也在庫有萬釘金帶當時寶之武因入庫乃取以歸主

者白晉公護護以武勲重不彰其過因而賜之時論鄙馬唐書滕王元嬰傳高宗嘗賜諸王綵五百以元嬰

乃蔣王貪黷但下書曰滕叔蔣弟不
須賜給麻二車助為錢緡二王大慙

吝嗇 附

原甚愛

既穢

老子甚愛必大費 前漢書貨殖傳周人既穢注穢者儉嗇也

衣弋

綈

鑽李核

漢書張安世身衣弋綈夫人自紡績家儉七百入皆有手役 晉書王戎家有好李

常出貨之恐人得種恒鑽其核

癖譏和嶠

疾笑王戎

晉書和嶠富擬王者而至

各杜預以為嶠有錢癖 又王戎園田水磴周遍天下自執牙籌晝夜算計儉嗇不自奉養天下人謂之膏盲之疾

還直乃歡

遺衣更取

晉書王戎事詳債負三又王戎事詳乞假三

增空懸金帛

常棄珍羞

南史梁諸子傳圓正武陵王紀第二子紀聞國難謂僚佐

曰七官文士豈能匡濟既東下黃金一斤為餅百餅為
造至有百造銀五倍之其他錦扇繒采稱是每戰則懸
金帛以示將士終不賞賜寧州刺史陳知祖請散金銀
募勇士不聽慟哭而去自是人有離心莫肯為用又
朱弁傳弁及諸子自湖溝列宅至青溪其中有臺池苑
好每暇日與賓客游焉四方蹟遺財賄充積性吝嗇未
嘗有散施厨下珍羞恒爛席每月常
棄十數車雖諸子別房亦不分贍

富四

增奇智

青藜子梁王曰陶之朱公以
布衣富侔國是必有奇智

貧母

唐柳宗元
答元饒州

論政理書富
室貧之母也

出溢

論街農商珠業所蓄之貨貨不可
同計其精粗量其多少其出溢者

名曰富人富人
在世鄉里顧之

原貨次如苴

漢書成都羅哀貨至巨
萬初哀賈京師為平陵

石氏持錢其人強力石氏貲次如苴親信之遺令往來
巴蜀數年間致千餘萬哀舉半賂遺曲陽定陵侯依其
權力餘貸郡國人莫敢負
注如氏苴氏皆富人也

增鞭懸桑樹

晉中興書上黨鮑瑗家多

喪疾貧苦嘗就卜淳于智智作卦成曰君宅東北有大
桑樹君至市入門數十步當有一人將新馬鞭就買者
以懸此桑樹三年當暴得財也瑗承其言詣市果得馬
鞭懸之三年後浚井得錢千萬銅鐵雜器復可二千餘
萬于是家
業用饒

抱甕可熟

獨異志晉羊琇家富豪秋冬月造酒令人抱甕須臾易之有頃

便可熟

用財自衛

史記巴蜀寡婦清能守其業用財自衛

積如丘山

後漢

董卓傳皇甫嵩攻卓弟昱于都郵鄣中珍藏有金二
三萬斤銀八九萬斤錦綺繡段純素奇珍積如丘山

室有牛聲

五代表象先傳象先平生所積財產數十萬邸舍四千間其卒也不以分諸子而悉與長

子正辭正辭積錢盈室室中嘗有聲如牛人以為妖勸其散積以禳之正辭曰吾聞物之有聲求其同類耳宜益以錢聲必止聞者傳以為笑

言依於豪

鄭析子與富者言依於豪

元叔豪宕

姓譜宗連長安富人季女賢而有色欲求賢婿時趙元叔豪宕家徒四壁宗以女妻之與奴婢二十餘口馬十餘匹金帛巨萬逆為富人

不可祿使

鹽鐵論民大富則不可以祿使也

視其

所與

韓詩外傳富則視其所與

游閒公子

漢書貨殖傳南陽宛孔氏大鼓鑄規陂田連騎

游諸侯因通商賈之利有游閒公子之名

誤入卿內

語林劉實詣石崇家如廁見有絳紗帳大

牀茵褥甚麗兩婢持錦香囊實反走謂崇曰誤入卿內崇曰廁耳

張裊引星

廣古今五行記

北齊後主武平初王氏與同邑人李家為婚載酒宴會行不過三里日沒漸暗見南五十步外有赤物大如升

若流星曳影其妻遂下車載拜張羣引之便入羣下還家觀之乃金也遂盛於庫櫃每至良辰恒以香火祈恩後四方異貨畢集其家田盤每年百倍庭生一桑樹枝葉異於衆木數年之間遍滿一院奇禽異鳥莫不栖集家遂大富

字有青麻

春渚記聞宣和間科增郡縣兌夫錢海州有楊秀才妻劉氏饒于財乃以

十萬錢代下戶之輸縣令欣然輦還庫藏為空翼日庫錢復滿每緡首有青麻二字觀者異之或曰聞青州有麻十萬家豈神運至此耶劉因密令往青州踪跡之果有麻氏失錢其後家益富云

木土被文

錦

漢書貨殖傳富者木土被文錦犬馬餘肉粟

藏酒萬餘石

史記大宛列傳宛左右以

蒲萄為酒富人藏酒至萬餘石久者數十歲不敗

戒懼

附

原母苟得

禮記臨財毋苟得

驕佚

附

原不期侈

尚書傳富不與侈期而侈自來

增選極一時

晉書賈充傳充外孫韓謐

既為充嗣負其驕寵奢侈踰度室宇崇僭器服珍麗歌童舞女選極一時

駿馬侯服

北史朱

榮傳榮子大略初神武遺令恕大略十死恃此並橫多所陵忽齊天保末嘗邀諸王至宅供設奢麗各有贈賄諸王共假寶物以邀之文略弊衣而往從奴五十人皆駿馬侯服其豪縱不遜如此

速探牛心

晉書王濟傳王愷以帝舅奢豪有牛名八百里馭常瑩其蹄角濟請以錢千萬與牛對射而賭之愷亦自恃其能令濟先射一發破的因據胡牀叱左右速探牛心來須臾而至一割便去

衫皆火浣

宛委

餘編晉武帝時外國有進火浣布者帝服以幸石季倫季倫身敝服候帝左右從奴五十人悉衣火浣衫

禍難附

原多藏厚亡

老子多藏必厚亡

增潁水清濁

漢魏其武安侯傳灌將軍夫家

累數千萬食客日數千百人陂池田園宗族賓客為權利橫于潁川潁川兒乃歌之曰潁水清灌氏寧潁水濁

灌氏族

麻鞋一屋

顏氏家訓鄴下有一領軍貪積已甚家墮八百誓滿一千朝夕看膳以十

五錢為率遇有客至更無以蕪後坐事伏法籍其家麻鞋一屋敝衣數庫其餘財寶不可勝言

令尹

不免

國語闔且廷見令尹子常子常與之語問蓄貨聚馬歸以語其弟曰楚其亡乎不然令尹其不免乎

吾見令尹令尹問蓄聚積實如餓豺狼馬

福進玉枕

五代漢史宏肇傳燕人何福進有玉枕直

錢十四萬遣僮賣之淮南以鬻茶僮隱其錢福進筭責之僮乃誣告福進得趙延壽玉枕以遺吳人史宏肇捕治福進棄市

子昂筮卦

唐陳子昂傳子昂父世高貨籍其家財

聞其富欲害子昂家人納錢二十萬緡簡薄其賂捕送獄中子昂見捕自筮卦成驚曰天命不佑吾殆死乎果死獄中

何不早散

晉書石崇傳孫秀矯詔收崇車載詣東市崇歎曰奴輩利吾家財收者答

曰知財致害何不早散

一騎走南山

五代唐臣列傳劉延朗掌機密專任事諸將當得州

者不以功次為先後納賂多者得善州少及無賂者得惡州及晉兵入延朗以一騎走南山過其家指而歎曰吾積錢三十萬于此不知何人取之遂為追兵所殺

貪富

附

增饗餐

左傳縉雲氏有不才子貪于飲食冒于貨賄天下之人謂之饗餐

影質

北史徐遵

明傳遵明講學于外二十餘年海內無不宗仰頗好聚斂與劉獻之張吾貴皆河北聚徒教授懸納絲粟留衣

物以待之名曰影質

地癖

唐書李愷并州人頗殖產田疇彌望時謂地癖

為郡四盡

南史梁魚宏傳宏累從征討常為軍鋒歷南譙盱眙竟陵太守常謂人曰我為郡有四盡水中魚鼈盡山中麋

鹿盡田中穀米

傷腰折股

左編北魏孝明靈太后常幸左藏王公墳主從者百

餘人皆令任力負布絹即以賜之多者過二百足少者

百餘李崇與章武王融以所負多顛仆于地崇乃傷腰

融至損脚時人為之語

結為兄弟

北史齊漁陽王紹信傳紹信行過漁

曰陳留章武傷腰折股

陽與大富人鍾長命結為義兄弟妃與長命妻為姊妹責其閭家長幼皆有贈賄鍾氏因此遂貧

置

金牛後

釋海泰惠王伐蜀刻五石牛置金于後曰此天牛能糞金蜀王以為然即發五丁力士拖成道

泰使張儀隨

取不見人

列子齊有欲金者至鬻金所攫金而去吏捕之對曰取金

其後開蜀

之時徒見

足以畢老

魏志董卓築鄠高與長安城埒積穀為三十年儲云事成雄據

金不見人

天下不成守此足以畢老及卓死塢中金二三

且寄

萬銀八九萬奇玩雜物山崇阜積不可知數

且養

天中記益州新昌縣令夏侯彪之初下車問里正曰雞子一錢幾顆曰三顆彪之乃取十千錢令買

三萬顆謂里正曰吾未須此且寄雞母抱之遂成三萬頭經數月便令賣却一雞三十錢得三十萬又問竹筍

一錢幾莖曰五莖入取十千錢付之謂里正曰吾亦未須此且林中養之至秋竹成每莖十錢遂得五十萬

渠伊捋鬚

天中記張崇帥廬州士庶苦之常入覲廬人幸其改任皆相謂曰渠伊不復來矣崇

復歸乃計口索渠伊錢明年入覲有罷府之議人不敢指實道路相見皆持鬚相慶崇歸又徵持鬚錢

吞齋附

增獵酒

續世說漢韋思在上黨五年性鄙吝未嘗與賓佐有酒食之會有從事欲求謁見者思覽刺而

怒曰必是來獵酒也

原從洪貸絹

魏志曹洪家富性吝書文帝在東宮時從洪貸絹不如意

恨之

食常不足

白帖鄭太有田四百頃食常不足

增類拾仰取

漢書魯人

俗儉嗇而丙氏尤甚以鐵冶起富至巨萬然家自父子兄弟約類有拾仰有取

啖肉封殘

北夢

瑣言尚書歸登性甚吝嗇常爛一羊脾旋割旋啖封其殘者一日登妻悞于封處割食登不見原封大怒其妻

由是沒身不食肉

止有二韭

伽藍記李崇為尚書今富傾天下而性多儉吝惡衣粗食常無

肉味止有二韭崇客李元祐語人云李令公一食十八種人問其故元祐曰二韭一十八聞者為之大笑

行如環珮

周太祖紀吏部侍郎張允家資萬計而性吝雖妻子亦不之委常自繫束鑰于衣下行如

環珮

不知景卿

三輔決錄平陵士孫奮字景卿少為郡五官掾起宅得錢貨至一億七千萬富

聞京師而性儉吝常宿客舍雇錢甚少主人曰君士大夫惜錢如此欲作士孫景卿耶不知實是景卿

刺史不守鞋

天中記鄭仁凱為密州刺史有少奴告以履穿仁凱曰阿公為汝經營有頃門夫著

新鞋而入仁凱廳前樹上有鴛窠遣門夫上樹取其子門夫脫鞋而緣之仁凱令奴著鞋而去門夫徒跣訴之仁凱曰刺史不是守鞋人注鴛窠木鳥也

富五

增詩唐高適行路難曰君不見富家翁舊時貧賤誰比
數一朝金多結豪貴百事勝人健如虎子孫成行滿眼
前妻能管絃妾能舞自矜一身忽如此却笑傍人獨愁
苦 宋蘇軾詩曰君家稻田冠西蜀擣玉揚珠三萬斛
寒江流水起書樓碧瓦朱欄照幽谷傾家取樂不論命
散盡黃金如轉燭

增賦漢班固西都賦曰其陽則崇山隱天幽林穹谷陸
海珍藏藍田美玉商洛緣其隈鄠杜濱其足源泉灌注

陂池交屬竹林果園芳草甘木郊野之富號為近蜀

張衡西京賦曰其館室次舍采飾纖縟裒以藻繡文以

朱綠翡翠火齊絡以美玉流懸黎之夜光綴隋珠以為

燭金祀玉階彤庭輝輝珊瑚琳碧璠璣璘彬珍物羅生

煥若崑崙雖厥裁之不廣侈靡踰乎至尊

注琳碧璠璣皆玉石璘彬

雜色也雖館宇不廣大然雕飾華麗無有越于天子者矣

晉左思蜀都賦曰闐闐

之里伎巧之家百室離房機杼相和貝錦斐成濯色江
波黃潤比筒簾金所過侈侈隆富卓鄭埒名公擅山川

貨殖私庭藏錙巨萬鈞橈兼呈亦以財雄翕集邊城

注離

異也言房屋雖異機杼和鳴黃潤謂筒中細布也簾盛金之器梁益之間裁木為器曰鈞裂帛為衣曰橈兼呈者皆有常課至擬于王者翕集威貌臨卽是蜀之邊縣故亦云邊城

又吳都賦曰富中

之賁貨殖之選乘時射利財豐巨萬競其區宇則并疆兼巷矜其宴居則珠服玉饌


增疏漢鼂錯論貴粟疏略曰今農夫被水旱之災急政暴虐賦斂不時朝令而暮改當其有者半價而賣亡者取倍稱之息于是有賣田宅鬻子孫以償債者矣而商

賈大者積貯倍息小者坐列販賣操其奇贏日遊都市
乘上之急所賣必倍故其男不耕耘女不蠶織衣必文
采食必粱肉亡農夫之苦有阡陌之得因其富厚交通
王侯力過吏勢以利相傾千里游敖冠蓋相望乘堅策
肥履絲曳縞此商人所以兼并農人農人所以流亡者
也今法律賤商人商人已富貴矣尊農夫農夫已貧賤
矣故俗之所貴主之所賤也吏之所卑法之所尊也上
下相反好惡乖迕而欲國富法立不可得也

增論宋劉峻廣絕交論曰富埒陶白貨巨程羅山擅銅
陵家傳金穴出平原而聯騎居里閭而鳴鐘則有窮巷
之賓繩樞之士冀宵燭之末光邀潤屋之微澤魚貫見
躍颺沓鱗萃分鴈鶩之稻粱霑玉笋之餘瀝銜恩遇進
欵誠援青松以示志指白水而旌信是曰賄交

增雜文宋馬端臨論坑冶曰漢法置小鐵官徧于天下
獨未聞有犯金之禁鐵至賤也而權之析秋毫金至貴
也而用之如泥沙然則國家之征利無資于金也貨殖

傳所載蜀卓氏山東程鄭宛孔氏魯丙氏稱為尤富然
皆言其擅鐵冶之利而未聞有藏金之事然則豪傑之
致富不由於金也



御定淵鑑類函卷二百八十六

欽定四庫全書

子部

御定淵鑑類函卷二百八十七

詳校官內閣學士臣尹壯圖

主事臣祁韻士覆勘

總校官進士臣繆琪

校對官主簿臣汪日章

謄錄監生臣王永年

欽定四庫全書

御定淵鑑類函卷二百八十七

人部四十六

貧

貧一

增爾雅曰窶貧也

疏曰窶者無禮也

說文曰貧財分少也

原呂忱字林曰窶貧空也方言曰南楚人貧衣被醜敝

謂之須捷

捷謂狎走

或謂之樓裂

樓衣壞貌音樓

或謂之藍縷

左傳曰華

路藍縷為貧也

尚書洪範六極四曰貧

增詩曰出自北門

憂心殷殷終窶且貧莫知我艱 又曰三歲食貧 原

又曰小東大東杼柚其空 增禮記曰天子布德行惠

命有司發倉廩賜貧窮 原又曰貧者不以貨財為禮

增又曰君子雖貧不粥祭器雖寒不衣祭服 原又

曰儒有一畝之宮環堵之室華門圭窬并日而食易衣

而出 增詩說曰鄘風有狐君子於寒夜見貧民與狐

涉水而傷之賦也 韓詩外傳曰孔子曰貧而如富其

知足而無欲也 戰國策蘇秦曰貧窮則父母不子

史記貨殖傳曰周書曰農不出則乏其食工不出則乏其事商不出則三寶絕虞不出則財匱少財匱少而山澤不辟矣 李斯傳曰悲莫悲于窮困 漢書曰貧者

短褐不完含菽飲水

禮樂志曰奢泰則下不遜而國

貧 五行志曰寒則不生五穀上下俱貧故其極貧也

鼃錯傳曰民貧窮者變其業 食貨志曰貧民常衣

牛馬之衣

蓑衣類也

董仲舒傳曰貧者窮急愁苦而上不

救則民不樂生民不樂生尚不避死安能避罪此刑罰

之所以繁而奸邪不可勝者也 南史李為傳曰為謂

古人安貧清白曰厯涅而不淄曰白 通鑑田子方曰

夫士貧賤者言不用行不合則納履而去耳安往而不

得貧賤哉 老子曰天下多忌諱而民彌貧 列子曰

凡為名者必廉廉斯貧 又曰貧者士之常也 管子

曰六畜不育則國貧而用不足 荀卿子曰仁義之於

人也譬之若財貨粟米之於家也多有之者富少有之

者貧至無有者窮貧猶勝於窮也 鄧析子曰與貧者

言依於利 韓非子曰用力者寡則國貧 又曰無饑
饉疾疫禍旱之疾獨以貧窮者非侈則惰也 宋玉九
辯曰坎壈兮貧士失職而志不平 呂氏春秋曰世皆
以珠玉為寶寶愈多而民愈貧失其所寶也 漢王充
論衡曰貧人之宅亦以一丈為內內中空虛徒四壁立
黃憲外史曰貧者不報人以幣 魏劉劭人物志曰
伎倆之政宜於治富以之治貧則勞而不困 北齊顏
氏家訓曰南人貧素皆事外飾車乘衣服必貴齊整而

家人妻子不免飢寒 原宋書顏延之庭誥曰富則盛
貧則病矣不惟形色麤黷或亦神心沮喪非但交友疏
棄必有家人誚讓 增宋王安石言事略曰人之情不
足於財則貪鄙苟得無所不至 明楊思義傳曰思義
為戶部尚書帝諭之曰先王之世無不耕之土不蠶之
民自什一制湮技巧作而農桑業廢一民負耒百家待
食一女理織百夫待衣欲民不貧何可得也

貧二

原六韜曰成王問太公貧富豈有命乎將理生不得其
意太公曰盜在其室計之不熟一盜收種不時二盜取
婦無能三盜養女太多四盜棄事就酒五盜衣服過度
六盜封藏不謹七盜井竈不便八盜舉息就利九盜無
事燒火十盜安得富也 增劉向新序曰甯戚欲干齊

桓公窮困無以自進於是為商旅賃車以適齊暮宿于
郭門之外桓公郊迎客夜開門辟賃車者執火甚盛從
者甚衆甯戚飯牛於車下望桓公而悲擊牛角疾商歌

桓公聞之執其僕之手曰異哉此歌者非常人也命後
車載之 戰國策曰莫敖子華對楚威王曰令尹子文
緇帛之衣以朝鹿裘以處未明而立於朝日晦而歸食
朝不謀夕無一日之儲故彼庶其爵貧其身以憂社稷
者令尹子文是也 史記滑稽傳曰楚孫叔敖病且死
屬其子曰我死汝必貧困若往見優孟言我孫叔敖之
子也居數年窮困負薪逢優孟與言曰我孫叔敖之子
也父死屬我見優孟優孟曰若無遠有所之即為叔敖

衣冠抵掌談語歲餘像孫叔敖楚王與左右不能別也
以為孫叔敖復生欲以為相優孟曰請歸與婦計之三
日而為相莊王許之三日後優孟復來王曰婦言謂何
孟曰婦言慎無為楚相不足為也如孫叔敖之為楚相
盡忠為廉以治楚楚王得以霸今死其子無立錫之地
貧困負薪必如叔敖不如自殺 原晏子曰晏子方食
景公使使者至分食食之使不飽晏子亦不飽使者反
公曰晏子如此貧乎使致千金以奉賓客 國語曰叔

向見韓宣子宣子憂貧叔向賀之宣子曰吾有卿名而無其實無以從二三子吾是以憂子賀我何故對曰昔欒武子無一卒之田諸侯親之戎翟懷之以正晉國今吾子有欒武子之貧吾以為能修其德也是以賀若不憂德之不修而憂貨之不足將弔不暇何賀之有莊子曰原憲居魯環堵之室茨以生草蓬戶不完桑以為樞而甕牖二室褐以為塞上漏下溼匡坐而弦子貢乘大馬中紺而表素軒車不容巷往見原憲原憲華冠緹

履杖藜而應門子貢曰嬉先生何病原憲應之曰憲聞之無財謂之貧學而不能行謂之病今憲也貧也非病也子貢逡巡而有愧色曾子居衛緼袍無表顏色腫噲手足胼胝三日不舉火十年不製衣正冠而纓絕捉衿而肘見納屨而踵決曳縱而歌商頌聲滿天地若出金石天子不得臣諸侯不得友孔子謂顏回曰家貧居卑胡不仕乎對曰不願仕回有郭外之田五十畝足以給飢粥郭內之田十畝足以為絲麻鼓琴足以自娛所學

夫子之道者足以自樂也回不願仕夫子愀然變容曰
善哉回之意 禮記子路曰傷哉貧也生無以為養死
無以為禮子曰啜菽飲水盡其歡斯之謂孝斂手足形
還葬而無槨稱其財斯之謂禮 孫卿子曰子夏貧常
懸鶉衣於壁人曰子何不仕曰諸侯之驕我者我不為
臣大夫之驕我者我不復見 增高士傳曰周威王時
齊隱士黔婁子守道不屈卒時覆以布被覆頭則足露
覆足則頭露曾西曰斜其被則斂矣其妻曰斜而有餘

不如正而不足 原莊子曰莊周家貧故往貸粟於監

河侯河侯曰我將得邑金貸子三百金周忽然作色曰

周昨來有中道而呼者顧視車轍有鮒魚焉問之曰子

何為者耶對曰我東海波臣也君豈有升斗之水而活

我哉周曰諾我將南游吳越之王激西江之水而迎子

可乎鮒魚忽然作色曰吾得升斗之水為活爾君言此

曾不如早索我枯魚之肆 又曰子輿與子桑友而霖

雨十日子輿曰子桑殆病矣裹飯而往食之子桑若歌

若哭鼓琴曰父母豈欲我貧哉天地豈私貧我哉求其
為之者不得也 增戰國策曰齊人有馮煖者貧不能
自存使人屬孟嘗君願寄食門下 劉向新序曰子列
子窮容貌有飢色客有言於鄭子陽者曰子列子禦寇
盖有道之士也居君之國而窮君無乃為不好士乎子
陽令官遺之粟數十乘子列子出見使者再拜而辭使
者去子列子入其室妻望而拊心曰聞為有道者妻子
皆得佚樂今妻子皆有饑色矣君過而遺先生先生又

辭豈非命也哉子列子笑而謂之曰君非自知我者也
以人之言而知我以人之言而遺我粟也其罪我也又
將以人之言此吾所以不受也 東坡志林曰齊顏蠋
與齊王遊食必太牢出必乘車妻子衣服麗都蠋辭曰
玉生於山制璞則破馬士生於野推選則祿焉然而璞
不完形神不全蠋願得晚食以當肉安步以當車無罪
以當富貴蠋可謂安於貧者也 原史記甘茂傳曰甘
茂亡秦奔齊逢蘇代代為齊使於秦茂曰臣得罪於秦

懼而遁逃無所容迹臣聞貧人女與富人女會績貧人女曰我無以買燭而子之燭光幸有餘子可分我餘光無損子之明今臣困願以餘光振之 增前漢書食貨

志曰始皇并天下收太半之賦發閭左之戍男子力耕

不足糧饗女子紡績不足衣服

師古曰太半三分取其二

史記陳

丞相世家曰陳平少時家貧好讀書有田三十畝獨與兄伯居伯常耕田縱平使游學平為人長大美色人或謂平曰貧何食而肥若是其嫂嫉平之不視家生產曰

亦食糠覈耳有叔如此不如無有 淮陰侯傳曰韓信

始為布衣時貧無行不得推擇為吏又不能治生商賈

常從人寄食飲人多厭之者常數從其下鄉

縣名

南昌亭

長寄食數月亭長妻患之乃晨炊蓐食食時信往不為

具食信亦知其意怒竟絕去信釣於城下諸母漂有一

母見信飢飯信竟漂數十日 原齊悼惠王世家曰魏

勃少時欲求見丞相曹參家貧無以自通乃常獨蚤夜

埽齊相門外相舍人怪之以為物而伺之得勃勃曰願

見相君無因故為子埽欲以求見於是舍人見勃曹參因以為舍人 增酈生列傳曰酈生食其者陳留高陽

人也好讀書家貧落魄無以為衣食業為里監門吏然縣中賢豪不敢役縣中皆謂之狂生 外戚世家曰竇

廣國字少君年四五歲時家貧為人所略賣傳十餘家至宜陽為其主入山作炭寒臥岸下百餘人岸崩盡壓殺少君獨得脫不死自卜數日當封侯 滑稽傳曰東郭先生久待詔公車貧困飢寒衣敝履不完行雪中履

有上無下足盡踐地道中人笑之及其拜為二千石佩
青綬出宮門行謝主人故所以同官待詔者等比祖道
於都門外榮華道路立名當世此所謂衣褐懷寶者也
當其貧困時人莫省視至其貴也乃爭附之諺曰相馬
失之瘦相士失之貧其此之謂耶 司馬相如列傳曰
相如與卓文君馳歸成都家居徒四壁立 原漢書朱
買臣傳曰買臣家貧好讀書不治產業常負薪樵賣以
給食妻求去買臣笑曰我五十當貴今已四十餘妻曰

如公等終當餓死買臣不能留即聽去 增主父偃傳

曰偃家貧假貸無所得北遊燕趙中山皆莫能厚客甚
困後為齊相徧召昆弟賓客散五百金與之數曰始吾
貧時昆弟不我衣食賓客不我內門今吾相齊諸君迎
我或千里吾與諸君絕矣無復入偃之門 司馬遷傳

曰遷家貧財賂不足以自贖交游莫救左右親近不為
一言 潛夫論曰兒寬賣刀於都巷匡衡自鬻於保徒
者身貧也貧阨若彼而能進學若此者秀士也 後漢

書鄭玄傳曰玄字康成家貧客耕東萊學徒相隨數千

百人 郭丹傳曰范遷為公輔有宅數畝田不過一頃

復推與兄子其妻謂曰君有四子而無立錐之地可餘
俸祿以為後世業遷曰吾備位大臣而蓄財求利何以
示後世在位四年家無擔石焉 原三輔決錄曰第五

頡字子陵倫小子洛陽無主人鄉里無田宅寄止靈臺
中或十日不炊 增後漢書鍾離意傳曰藥崧者河內
人天性樸忠家貧為郎嘗獨直臺上無被枕杜食糟糠

帝每夜入臺輒見松問其故甚嘉之

注杜謂組几也方言云蜀漢之郊曰

杜

原謝承後漢書曰王充字仲任少孤家貧無書常

遊洛陽市肆閱所賣書一見輒能誦憶遂博通衆流百

家之言

續漢書曰王苑字孫仲安貧茅屋蓬戶藜藿

不厭

又曰范丹桓帝時以丹為菜蕪長不到官遭黨

人禁錮結草而居有時絕糧閭里歌之曰甌中生塵范

史雲釜中生魚范菜蕪

范曄後漢書曰李充字大遜

陳留人事母至孝家貧兄弟六人同衣出入

增三國

胡質傳曰質遷征東將軍假節都督青徐諸軍事嘉平二年薨家無餘財惟有賜書衣篋而已 闕澤傳曰澤

家世農夫至澤好學居貧無資常為人傭書以供紙筆所寫既畢誦讀亦遍 原魏略曰裴潛每之官不將妻

子妻子貧乏織荆苧以自供 增魏邴原別傳曰原十

一而喪父家貧早孤隣有書舍原過其傍而泣師問曰童子何悲原曰孤者易傷貧者易感夫讀書者必皆具有父兄一則羨其不孤二則羨其得學心中惻然而為

涕零也師亦哀原之言而為之泣曰欲書可耳答曰無
錢資師曰童子苟有志我徒相教不求資也 晉書殷

仲堪傳曰仲堪每語子弟云人見我受任方州謂我豁
平昔時意今吾處之不易貧者士之常焉能登枝而捐
其本爾其存之 陶潛傳曰潛嘗著五柳先生傳以自
況云環堵蕭然不蔽風日裋褐穿結簞瓢屢空 元林
坤誠齋雜記曰吳隱之為度支尚書以竹篷為屏風坐
無氍毹 南史劉訐傳曰訐家甚貧苦併日而食隆冬

之月或無檀絮訐處之晏如人不覺其饑寒也 北史

司馬裔傳曰裔性清約不事生產所得俸祿並散之親戚身死之日家無餘財宅宇卑陋喪庭無所詔為起祠堂焉 高允傳曰允拜中書令司徒陸麗曰高允雖蒙寵待而家貧布衣妻子不立帝怒曰何不先言今見朕用之方言其貧是日帝幸允第唯草屋數間布被緼袍廚中鹽菜而已帝歎息曰古人之清貧豈有此乎 房彥謙傳曰彥謙前後居官所得俸祿皆以周恤親友家

無餘財嘗從容獨笑顧謂其子元齡曰人皆因祿富我獨以官貧所遺子孫在於清白耳 劉晝傳曰晝少孤

貧愛學服膺無倦常閉戶讀書暑月唯著犢鼻褌 北

齊書文宣帝紀曰初高祖之歸爾朱榮時經喪亂家徒壁立后與親姻相對共憂寒餒時帝尚未能言歛然應

曰得活 唐書鄭餘慶傳曰至德後方鎮除拜必遣內

使持幢節就第至則多饋金帛且以媚天子唯恐不厚故一使者納至數百萬緡憲宗每命餘慶必誠使曰是

家貧不可妄求取 杜甫傳曰甫少貧自七歲屬辭且
四十年然衣不蓋體常寄食於人 鄭虔傳曰虔初為
協律郎明皇愛其才欲置左右以不事事更為置廣文
館以虔為博士時號鄭廣文在官貧約甚澹如也杜甫
嘗贈以詩曰才名四十年坐客寒無羶云 唐紀曰李
景讓幼時家貧居於東郭宅後古牆因雨隕陷得錢盈
船景讓母李氏焚香祝之曰吾聞無勞而獲身之灾也
天必以先君餘慶矜其貧而賜之則願諸孤學問有成

乃其志也此不敢取遽命掩而築之 五代史曰梁朱

誠生三子曰全昱存溫誠卒三子貧不能為生與其母

傭食蕭縣人劉崇家 宋史呂蒙正傳曰蒙正父龜圖

多內寵與妻劉氏不睦并蒙正出之頗淪躋窘乏 東

軒筆錄曰范文正公在睢陽掌學有孫秀才上謁文正

贈錢十千明日復謁又贈十千問何汲汲於道路曰老

母無以養若日得百錢則甘旨足矣公曰吾觀子才非

凡客也一年僕僕所得幾何而廢學吾今補子學職月

得三千以供養子安於學乎孫生大喜於是授以春秋
文正去睢陽孫亦辭歸後十年聞泰山有孫明復先生
道德高邁朝廷召至太學乃昔日索遊孫秀才也文正
歎曰貧之為累大矣儻索遊至老則雖人材如孫明復
猶將汨沒也 湘山野錄曰范希文少時最貧在長白
山僧舍煮粟米二升作粥一器經宿遂凝以刀劃為四
塊早晚取二塊斷釐數十莖酢汁半盂入少鹽煖而啗
之如此者三年 稗史曰宋寇準出入宰相三十年不

營私第魏野贈詩曰有官居鼎鼎無地起樓臺南遷時
北使至內宴宰執與馬使者歷視諸相語侍者曰孰是
無地起樓臺相公夢溪筆談曰宋晏元獻公殊為館
職時天下無事許臣僚擇勝燕飲公是時貧甚不能出
獨家居與昆弟講習一日選東宮官忽自中批除晏殊
執政莫諭所因次日進覆上諭之曰近聞館閣臣寮無
不嬉遊宴賞彌日繼夕惟殊杜門與兄弟讀書如此謹
厚正可為東宮官殊對曰臣非不樂燕遊者直以貧無

可為具臣若有錢亦須往上益嘉其誠實 語林曰蘇

東坡嘗與劉貢父言某與舍弟習制科時日享三白食
之甚美不復信人間有八珍也貢父問三白之說坡言
是一撮鹽一盤生蘿蔔一盃飯貢父大笑 性理呂氏
家塾記曰邵堯夫居洛四十年安貧樂道自云未嘗皺
眉所居寢息處為安樂窩自號安樂先生又為甕牖讀
書燕居其下旦則焚香獨坐晡時飲酒三四甌微醺則
止不使至醉也嘗有詩曰莫道山翁拙於用也能康濟

自家身 貧士傳曰宋賈收字耘老以詩著名喜飲酒

家素貧東坡先生每念之嘗作古木怪石書其後以贈
云念賈處士貧甚無以慰其意為作古木怪石一紙遇
饑時輒一開看還飽人否若吳興有好事者能為君月
致米三石酒三斗終君之世者當便以贈之不爾當令
侍姬掌貯須添丁長以付之也 遼史耶律玠傳曰玠
不喜貨殖帝知其貧賜宮戶十 耶律哈斯傳曰會同
五年詔求直言時海恩年十八衣羊裘乘牛詣闕有司

問曰汝何故來對曰應詔言事苟不以貧稚見遺亦可
備直言之選 金史郝天挺傳曰太原元好問嘗從天
挺學進士業天挺曰讀書不為藝文選官不為利養今
之仕多以貪敗皆苦饑寒不能自持耳丈夫不耐饑寒
一事不可為子以吾言求之科舉在其中矣 張潛傳
曰潛年五十始娶魯山孫氏亦有賢行夫婦相敬如賓
負薪拾穗行歌自得不知其貧也 王政傳曰天會四
年為權侍衛親軍都指揮使兼掌軍資是時軍旅始定

管庫紀綱未立掌吏皆因緣為奸政獨明會計嚴扃鐫金帛山積而出納無錙銖之失吳王棟摩戲之曰汝為官久矣而貧不加富何也對曰政以楊震四知自守安得不貧 元史廉希憲傳曰希憲罷相阿哈瑪特因讒之曰希憲日與妻子宴樂耳帝變色曰希憲清貧從何設宴 許衡傳曰衡家貧躬耕粟熟則食粟不熟則食糠覈菜茹處之泰然謳誦之聲聞戶外如金石 王磐傳曰磐年方冠從麻九疇學於郟城客居貧甚日作糜一

器為朝暮食 李德輝傳曰德輝值歲凶家儲粟纔五

升其母舂蓬稗炊藜藿而食之德輝天性孝悌操履清
慎既就外傳嗜讀書束於貧無以自資乃輟業 董士

選傳曰士選晚年好易澹然終其身每一之官必賣先
業田廬為行資故老而益貧子孫不異布衣之士 虞

集傳曰集家素貧歸老後食指益衆登門之士相望於
道好事爭起邸舍以待之然碑板之文未嘗苟作南昌
富民有伍真父者貲產甲一方娶諸王女為妻充本位

下郡總管既卒其子屬豐城士甘慤求集文銘父墓奉
中統鈔五百錠準禮物集不許慤愧歎而去其束修羔
鴈之入還以為賓客費雖空乏弗恤也 備遺錄曰明

方孝孺嘗臥病絕糧家人以報輒曰古人有三旬九食
瓶無儲粟者窮豈獨我哉因相與大笑而止 明劉崧
傳曰崧七歲能賦詩家貧寒無爐火手皸裂而抄錄不
輟 李時勉傳曰時勉成童時冬寒以衾裹足納桶中
誦讀不已

貧三

原蓬室

棘庭

高士傳老萊子以蓬蒿為室詳隱逸二抱朴子葛洪貧無僮僕籬落頽決棘

荆叢生

夜耕

晝傭

陶潛搜神後記周犂貧而好道夫婦夜耕

後燕錄王高夫妻

晝則傭耕夜則伐草燒磚

茅宅

蒿牀

李劭別傳公居貧而不好修產業有稻田三十畝茅

宅一區

皇甫謐高士傳田禾

牛衣

蝸廬

漢書王章傳初

章為諸生學長安獨與妻居章疾病無被卧牛衣中與妻訣涕泣其妻呵怒之曰仲卿京師尊貴在朝廷人誰

踰仲卿者今疾病困厄不自激昂乃反涕泣何鄙也魏書楊沛前後宰歷城守不以私計介意故身退之後

家無餘財起蝸牛廬居止其中妻子凍餓

蓬雷

席門

抱朴子葛洪家貧蓬莠塞乎階雷

漢書陳平家貧好讀書不營生業居窮巷中以席為門然門多長者車轍

賣卜

傭書

司馬

彪續漢書范丹桓帝時辟為太尉自以狷急不能從俗弊服賣卜於市魏收後魏書崔亮字敬儒家貧傭書

自業 華門 蓬廬

禮華門圭甯詳貧一賦感老氏之遺戒乃迴駕乎蓬廬張衡歸田

增斫廩

織簾

南史江泌傳泌少貧晝日斫廩為業夜讀書口手不息鄉里號為織簾先生

地則更登

又沈麟士傳居貧織簾誦書口手不息鄉里號為織簾先生

採招

緯蕭

晉隱

逸傳夏統字仲御幼孤貧事母孝每採招求食不肯仕

莊子河上有家貧持緯蕭而食者

吞紙

賣文

山堂肆考義陽朱詹好學家貧日不炊爨時吞紙以實腹又段湛家貧賣文為活

然

糠運穀

南史顧歡傳歡字景怡鄉中有學舍歡貧無以受業於舍壁後倚聽無遺忘者夕則然松

節讀書或然據自照 裨史陳茂烈官至御史致仕一生清苦貧甚有人候之見其自運穀入室

鵲

衣

螢囊

唐杜甫詩烏几重重縛鵲衣寸寸針

晉車

十以照書

厚報

拙謀

唐書王珪少孤且貧人或饋遺初無讓及貴厚報之雖已亡必酬贍

其家

晉陶侃詩貧教

烹犬

宿藁

貧士傳周方叔字矩道居丹陽

謀事拙病使出言憂

築室五州山下誦讀不休家貧或終日不得食鄰僧乞

米送之一日龔農卿準孫常州吳會造其廬無以為具

乃烹犬食之二公忻然盡歡歎息而去 三輔決錄孫

晨字元公家貧不仕居社城中織箕為業為郡功曹冬

月無被有藁一束

原立肺石

宿白社

周禮以肺石達窮民凡遠

近筑獨老幼之欲有復于上而其長弗達者立于肺石

三日士聽其辭以告于王而罪其長 晉董京傳京字

威輦嘗宿洛陽白
社中時乞於市

地無立錐 室如懸磬
史記孫叔敖事詳貧

二左傳室如
懸磬野無青草

居常待終 非力不食
高士傳榮啓期曰貧者士

之常死者民之終居常以待終何不樂也
漢徐揖傳揖家貧常自耕稼非其力不食

家無正

寢 增食不盈腸
唐溫彥博傳彥博家貧無正寢又韓愈詩朝食不盈腸冬衣纔掩體

錢服相周 原琴歌自樂
貧士傳沈道虔冬無複衣戴顓聞而迎之周以錢服

及還悉供諸衆無衣者 高士傳榮啓期鹿裘帶
索援琴而歌孔子曰先生何樂也對曰吾樂甚 增

賜十萬錢 封四百戶
晉王嶠傳初朝議欲以嶠為丹陽尹嶠以京尹望重不宜以疾

居之求補廬陵郡乃拜嶠廬陵太守以嶠家貧無以上
道賜布百匹錢十萬 史記楚孫叔敖死其子貧困負

薪優孟言於楚王於是召叔敖子封之寢邱四百戶以奉其祀

書樵夜讀 春韭夏

菰唐馬懷素傳懷素客江都師事李善貧無資晝樵夜輒然以讀書堯山堂外紀周彥倫清貧寡欲終日

常蔬食雖有妻子獨處山舍王儉嘗問彥倫山中何所食答曰赤米白鹽綠葵紫蓼文惠太子嘗問何味最佳

答曰春初早韭夏末晚菰 見辱友壻 為哀王孫漢嚴助傳上問助居鄉里時對

曰家貧為友壻富人所辱漢紀韓信家貧釣于城下有漂母飯信信曰吾必報母母怒曰大丈夫不能自食

吾哀王孫而進食豈望報乎 景略鬻菴 少游典衣山堂肆考王猛字景略家

貧以鬻菴為事嘗至洛陽有人買菴曰吾家在此可隨取直猛隨至深山中見一老翁引猛進曰大司馬公可

進猛拜翁曰王公何緣拜即十倍售菴送出山猛顧視乃嵩山也 又宋秦觀字少游嘗遺錢文穆詩三年京

國鬢如絲又見新花發故枝日典
春衣非為酒家貧食粥已多時

乞不多取 貧不

苟得

魏略寒貧者姓石字德林獨居窮巷里人與之衣
食不肯取郡縣以其鰥窮給廩日五升食不足頗

行乞乞不取多人問其姓名口不肯言故因號之曰寒
貧也車騎將軍郭淮以意氣呼之問所欲瞪而不言因
與脯糒及衣取其脯一胸糒一升而已 貧士傳河上
貧者宋人也家貧緯蕭而食其子沒于淵得千金之珠
貧者謂其子曰取石來鍛之夫千金之珠必在九重之
淵而驪龍領下子能得之者必遭其睡也使驪龍而寤
子尚奚有哉君子謂
其不以貧而苟得焉 乞食以葬 帶經而農 五代史
雜傳李

琪兄珽唐末舉進士及第為監察御史丁內艱貧無以
葬乞食而後葬 晉皇甫謐傳謐居貧躬自稼穡帶經

而農遂博綜典
籍百家之言

牽船作屋

編草為裳

南史張融傳
武帝問融何

處住答曰臣陸處無屋舟居無水後上問其從兄緒緒
曰融近東出未有居止權牽小船于岸上住晉孫登
傳登字公和汲郡共人也無家屬於郡北山為土窟居
之夏則編草為囊冬則被髮自覆好讀易撫七絃琴見
者皆親

義不獨飽

意將何求

南史郭原平傳原平

樂之

有有味唯餐鹽飯而已若家或無食則虛中竟日義不

獨飽

裨史胡文定公家至貧轉徙流寓遂至空乏然

貧之一字於親故間非惟口所不道亦手所不書

錢

嘗戒其子曰對人言貧其意將何求汝曹志之

何見怪

綿乃生悲

釋史俗傳書生入庫見錢不識或怪而問之生曰固知其為錢但怪

其不在紙裏中耳世說朱百年家貧母以冬月亡衣

並無絮百年自此不衣綿帛嘗寒時就孔思遠宿衣皆

袂布飲酒醉眠思遠以卧具覆之百年初不知既覺引

去謂思遠曰綿定奇溫因流涕悲慟思遠亦為感泣

竅如七星

覆無一瓦

稗史鄭廣文虔屋室破漏自下望之竅如七星宋歐陽

脩瀧岡阡表太夫人守節自誓居貧自力於衣食曰汝父為吏廉而好施與喜賓客其俸祿雖薄常不使有餘故其亡也無一瓦之覆一壠之植以庇而為生

折蒲當紙

映月代燈

晉王育傳

育少孤貧為人傭牧羊每過小學必歔歔流涕時有暇即折蒲學書忘而失羊為羊主所責育將鬻己以償之同郡許子章敏達之士也聞而嘉之代育償羊給其衣食使與子同學遂博通經史宋陸佃傳佃字農師居貧苦學夜無燈

蔽前掩後

計口度身

貧士傳郭泰從屈伯彥學

春秋井日而食衣不蔽形常以蓋幅自障出入則蔽前出則掩後晉王裒傳裒家貧躬耕計口而佃度身而蠶或有助之者不聽諸生密為刈麥裒遂棄之

藏金以待

出甕為炊

統一

志晉隗炤善易臨終書板授妻曰後五年春當有詔使來姓龔此人負吾金即以此板往責至期果至妻執板往使者取著莖之曰吾不負金汝夫自有金知汝漸困故藏金以待知我善易故書板以寓意耳金五百斤盛以青甕覆以銅盥在屋東掘之如卜搜神後記晉謝端少孤無有親屬為隣人所養嘗得一大螺如三升壺取以歸貯甕中後見一少女從甕中出至竈下燃火端曰新婦何來而相為炊答曰我天漢中白水素女也天帝哀卿故使我權為守舍炊烹而卿無故竊相窺掩吾形已見不宜復留留此殼去以貯米常可不乏

吾親未享

此子屢空

元揭傒斯傳傒斯少處窮約事親菽水粗具而必得其歡心暨

有祿入衣食稍踰于前輒慨然曰吾親未嘗享是也漢賈逵傳逵母嘗有疾帝以錢二十萬使潁陽侯馬防與之謂防曰賈逵母病此子無人事于外屢空則從孤竹之子于首陽山矣

相士多失

為客甚困

二 詳貧

飢惟曼倩

寒有西華

漢東方朔傳朔字曼倩對

上曰侏儒長三尺餘俸一囊粟錢二百四十朔長九尺餘亦俸一囊粟錢二百四十侏儒飽欲死臣朔飢欲死

南史梁任昉傳昉有子東里西華南容北叟並無術業流離不能自振生平舊交莫有收卹西華冬月著葛

帔練裘道逢平原劉孝標乃

庾郎有菜

范婦無暉

著廣絕交論以譏其舊友

南史齊庾杲之傳杲之初為駕部郎清貧自業食唯有菹菹菹生菹雜菜任昉嘗戲之曰誰謂庾郎貧食鮭

嘗有二十七種

世說范宣潔行廉約韓豫章遺絹百匹不受減五十匹復不受如是減半遂至一匹既終不

受韓後與范同載就車中裂二丈與范云寧可使婦無暉耶范笑而受之

牧豕海上

種

瓜城東

史記丞相公孫宏菑川薛縣人也時為薛獄吏有罪免家貧牧豕海上年四十餘乃學春秋雜

說 又蕭相國世家召平者故秦東陵侯秦破為布衣
貧種瓜于長安城東瓜美故世俗謂之東陵瓜從召平

以為名也

剡雪相訪

懷書自隨

宋王陶傳陶微時苦貧寓京師其友姜愚氣豪

樂施一日大雪念陶奉母寒餒荷一鍤剡雪行二十里
訪之陶母子凍坐日高無炊煙南史孔子祛傳子祛

少孤貧好學耕耘樵採常懷書自隨役閒則誦讀

賣犬辦嫁

斂錢為婚世

謝石奴請吳隱之為衛將軍主簿隱之將嫁女謝知其
貧潔遣女必當率薄乃令遺廚帳助其經營使者至方

見一婢牽犬賣之此外蕭然無辦晉阮脩傳脩居貧
年四十餘未有室王敦等斂錢為婚皆名士也時慕之

者求入錢而不得

共處蓬室

合買犢車

南史劉歊傳歊兄弟三人共處蓬室

一間為風所倒無以葺之怡然自樂漢蔡義傳義以
明經給事大將軍幕府家貧常步行門下好事者為義

合買犢車
今乘之

裴敞蘇秦

衣穿到漑

戰國策蘇秦說秦王書十上而說不

行黑貂之裘敝黃金百鎰盡資用乏絕去秦而歸梁書到漑冠履十年一易朝服或至穿補

豈變

吾志

不因人熱

姓諧宋俞易直尉彭澤不苟取不沽名以母老不仕歸嘗有病縣令盧知

原往視之問以後事曰棺已具衣已浣附葬先塋他無所須也盧退遺以錢五萬易直曰吾素貧豈以五萬錢變吾志哉世說梁鴻字伯鸞少孤嘗獨止不與人同食比舍先炊已呼伯鸞及熱釜炊伯鸞曰童子鴻不因

人熱者也減

猶有一劍

不過十金

史記孟嘗君列傳初馮驩聞孟

嘗君好客躡屣而見之孟嘗君曰先生遠辱何以教文也馮驩曰聞君好士以貧身歸於君孟嘗君置傳舍十日孟嘗君問傳舍長曰客何所為答曰馮先生甚貧猶有一劍耳漢揚雄傳雄家產不過十金乏無儋石之

儲晏如也

剪髮易書

載酒從學

元陳祐傳祐少好學家貧母張氏剪髮易書使

讀之緯略漢揚雄家貧嗜酒好事者載酒餽從學

同食遞衣

決踵見肘

李漢

充傳充家貧兄弟六人同食遞衣下見貧二

舒被覆書

驅驢負醋

南史丘巨

源傳虞通之少好學居貧屋漏恐溼墳典乃舒被覆書書獲全而被大溼 釋史彙編代稱士流為措大言其

肖醋而冠四民之首一說衣冠儼然黎庶望之有不可犯之色犯必有驗皆比于醋而更驗故謂之或謂往有

士人貧居新鄭之郊以驢負醋巡邑而賣復落魄不調邑人指其醋而笑之

脫衣為賻

撒屋而炊

南史張融傳竺起人孫微冬月遭母喪居貧融弔之悉脫衣以為賻披牛被而返又阮

孝緒傳孝緒家貧無以爨僮妾竊鄰人墓樵舉火孝緒知之乃不食更令撒屋而炊

磨鏡以給

鬻馬而歸

典略程堅字謀甫居貧無資磨鏡自給不受人施左編宋范仲淹為廣德軍司理

參軍比去貧止一馬鬻馬徒步而歸

隨師無糧

拜官得祿

後漢衛颯傳颯家貧

好學問隨師無糧常備以自給

唐吳兢傳兢自陳修史有緒家貧不能具紙筆願得少祿以終餘功有詔拜

諫議大夫

李恂拾橡

步隲種瓜

東觀漢記李恂餉遺無所受居新安闕下拾橡

實為食 三國步隲傳隲避難江東單身窮困與廣陵衛旌同年相善俱以種瓜自給

定交杵

白

往舍郵亭

漢吳祐傳時公沙穆來遊太學無資糧乃變服客傭為祐賃舂祐與語大驚遂

共定交于杵白之間又司馬相如傳相如家貧無以自業素與臨邛令王吉相善吉曰長卿宦遊不遂而來

過我于是相如往舍郵亭

卷褥質酒

然葉照書

北史李元忠傳齊孫騰司馬子

如嘗詣元忠逢其方坐樹下葛巾擁被對壺獨酌庭室
蕪曠使婢卷兩褥以質酒肉呼妻出衣不曳地二公相
視歎息而去唐柳璨傳璨少孤
貧好學晝採薪給費夜然葉照書
徒有四壁 不滿

萬錢

崔鴻後燕錄魏郡王高泰末饑亂父母兄弟死者
十有五人飢食藜藿寒衣草衣家貧徒有四壁

漢貢禹傳元帝遷禹為光祿大夫頃之禹上書曰臣禹
年老貧窮家貲不滿萬錢妻子糠豆不贍裋褐不完有
田一百三十畝陛下過意徵
臣臣賣田百畝以供車馬

同衣而行

五日不食

後漢檀敷傳敷家貧無產業子孫同衣而出又謝承書
曰敷與子孫同衣而行并日而食南史王智深傳智
深家貧無人事嘗餓五
日不得食掘草根食之

書取柿葉

衣得羊裘

東坡志林

鄭虔寓青龍寺貧無紙取柿葉書北史房景先傳景
先少孤貧無資從師其母自授毛詩曲禮年十二請其

母曰豈可使兄傭賃以供景先也請自求衣然後就學
母哀其小不許苦請乃從之遂得一羊裹欣然自足晝

則樵蘇夜
誦經史

三旬九食 二日一餐

說苑子思居衛三
旬九食 貧士傳

沈顗齊末兵荒與家人同甘因餓二日一餐或饋梁肉
閉門不受唯采蓴荇根供食以樵采自資怡然不改其

樂
使歡驅雀 以冲質羊 南史顧歡傳歡家貧父使
田中驅雀歡作黃雀賦而

歸雀食稻過半父怒欲撻之見賦乃止 錦繡萬花谷
晉桓溫弟冲並少家貧母患需羊以解溫乃以冲質羊

材官起屋 有司立廟

南史王延之傳延之仕宋為
司徒左長史清貧居宇穿漏

褚彥回以啟宋明帝即敕材官為起三間齋屋 唐
書戴胄傳胄卒以第舍陋不容祭詔有司為立廟

軾饑如鼠 立飽以魚

宋蘇軾詩我貧如饑鼠長夜空
敲齧瓦池研竈煤葦管書柿葉

金崔立傳藥安國者管州人年二十餘有勇力嘗為
嵐州招討撫使以罪繫開封獄既出貧無以為食立潛
結納之安國健啗日飽之以魚

賣宅以葬

結草而居

北史山偉傳偉不營產業

身亡之後賣宅營葬妻子不免飄泊
後漢范丹傳丹結草室而居所止單陋

遺糧受半

餉錢立盡

先賢行狀胡定字元定至行絕人在喪雉兔遊其庭雪霜滿其室縣令遣戶曹掾排雪問

定定已絕穀妻子皆臥在牀令即遣掾以乾糧就遺之
定乃受半貧士傳劉凝之字隱安荊州年饑義季慮
其餒斃餉錢十萬凝之將錢至市門觀有
饑色者悉分與之俄頃立盡自甘飢餓

原三日未

舉火十年不製衣

莊子曾子在衛三日不舉火又曾子緼袍無表十年不製衣

增母欲弗與女吾當為助卿

三國呂範傳範少為縣吏邑人劉氏家富女美

範求之女母嫵欲勿與劉氏曰觀呂子衡寧當久貧者耶晉魏舒傳太原王又謂舒曰卿終當為台輔然今

未能令妻子免飢寒吾當助卿營之常賑其匱乏舒受而勿辭

東坡有破硯

威輦

無完衣

宋蘇軾詩我生無田食破硯邇來硯枯磨不出逸士傳董威輦在洛陽隱居白社以殘絮縷

帛為衣號百結衣

甌顰為障安問紫絲

戾戾作新空思鳳

蠟質士傳扈累字伯重以甌顰為障施一厨牀食宿其中晝則潛思夜則仰視星宿吟詠不輟又晉王愷作

紫絲步障四十里古樂府百里奚妻歌曰百里奚五羊皮憶別時烹伏雌炊戾戾今日富貴忘吾為按蔡邕

月令章句曰鍵關牡也所以止扉或謂之剡移然則當時貧困并以門牡木作薪炊耳又晉石崇以蠟代薪王

僧綽採蠟燭淚為鳳凰故名鳳凰

辨雷淵之倨乃是耽書

恕管仲

之貪知非嗜利

金雷淵傳淵庶出年最幼諸兄不齒父歿不能安於家乃發憤入太學衣敝履

穿坐榻無席自以跣露恒兀坐讀書不迎送賓客人皆以為倨其友商衡每為辨之且調恤焉史記管晏列傳管仲貧困嘗欺鮑叔管仲曰吾始困時嘗與鮑叔賈分財利多自與鮑叔不以我為貪知我貧也

相

依庾氏何妨蔬食園中

共屬阮門一任綺羅道北

范晉

汪傳汪少孤貧六歲過江依外家新野庾氏及長好學外氏家貧無以自給汪乃廬於園中布衣蔬食然薪寫書又阮咸傳咸與籍居道南諸阮居道北北阮富而南阮貧七月七日北阮盛曬衣服皆錦綺案目咸以竿挂大布犢鼻于庭人或怪之

薪將給食恒羞負戴相

答曰未能免俗聊復爾爾

隨史欲質錢應愧箕裘能紹

漢朱買臣傳買臣家貧常刈薪樵賣以給食擔

束薪行且誦書其妻亦負戴相隨數止買臣母歌嘔買臣愈益疾歌妻羞之求去南史劉僑傳僑素貧常一

朝無食其子啓欲以班史質錢答曰寧餓死豈可以此充食乎

方為重器相遺豔婦

之巾本是富家乃貫市人之酒

南史賀德基傳德基少游學都下積年不

歸衣資罄乏又恥服過弊盛冬止衣襖襦袴嘗於白馬寺前逢一婦人容貌甚盛呼德基入寺門脫白綸巾以

贈之仍謂曰君方為重器不久貧寒故以此相遺耳問姓名不答而去西京雜記司馬相如初與卓文君還

成都居貧愁懣以所著鸛鸛裘就市人陽昌貫酒與文君為歡既而文君抱頸而泣曰我平生富足今乃以衣

裘貫酒遂相與謀賣酒于成都

挂百錢於鳩杖惟知綠蟻驅愁貯

一斛於金拌猶記擯榔消食

晉阮修傳修常步行以百錢挂杖頭至酒店便獨酣

暢雖家無儋石之儲晏如也南史劉穆之傳穆之少時家貧誕節嗜酒食不修拘檢好往妻兄江氏家乞食多見辱江氏後有慶會穆之食畢求檳榔江氏兄弟戲之曰檳榔消食君常飢何忽須此及穆之為丹陽尹將召妻兄弟妻泣而稽顙以致謝穆之曰本不匿怨無所致憂及至醉穆之乃令廚人以金拌貯檳榔一斛以進之

貧四

原裋褐

淮南子貧人夏則被褐帶索含菽飲水以支暑熱冬則羊裘裋褐不掩形而煬竈

臥

雪

汝南先賢傳袁安居洛陽時大雪丈餘洛陽令按行見安門無行路謂安死矣除雪入戶安僵卧自如令

以為賢遂舉為孝廉

增飯後鐘

山堂肆考唐王播貧而好學客居木蘭寺寺僧叩鐘會食播每

聞鐘聲即赴會衆僧厭之乃飯後叩鐘播聞鐘聲而來
則飯已完矣播題詩于壁曰上堂已了各西東慙愧闍
黎飯後鐘播去後二十餘年得官來守是邦復至木蘭
寺見前詩以碧紗罩之播續成後二句曰二十年前塵
土面于今始得碧紗籠

原藜羹不糝

陳蔡藜羹不糝家語孔子厄于

增儲無

儋石

魏志華歆素清貧所得祿賜以賑施親戚家無儋石之儲按揚雄方言海岱之間名嬰為儋石蘇林

云齊人名小

琴書自隨

元庶希憲傳希憲出鎮荆南及還囊橐蕭然琴書自隨而

嬰為儋石

已帝知其貧賜白

薪蘇繼晷

宋汪應辰傳應辰家貧無膏油每拾薪蘇以繼

金五十兩鈔萬貫

單步之官

三國崔林傳林除鄢長吏無車馬單步之官

注觀百錢

史南

張融傳融解褐為宋新安王子鸞行參軍王母薨後四月八日建齋并灌佛僚佐觀者多至一萬少不減五千

融獨注儼百錢帝曰融殊貧
當序以佳祿出為封溪令

鬼為撫掌

南史劉粹傳
劉伯龍者少

而貧薄及長歷位尚書左丞少府武陵太守貧窶尤甚
常在家慨然召左右將營十一之利忽見一鬼在旁撫
掌大笑伯龍歎曰貧窮固有
命乃復為鬼所笑也乃止

我常自耕

南史王韶之
傳韶之家貧

好學嘗三日絕糧而執卷不輟家人謂之
曰困窮如此何不耕答曰我常自耕耳

單行定省

晉胡威傳威自京師定省家貧無車馬僮僕自驅驢
單行每至客舍躬放驢取樵炊爨食畢復隨侶進道

總事不役

元趙宏毅傳宏毅少家貧無書傭于巨室晝
則為役夜則借書讀之或閑其志但使總其

事而不
役焉

大驚樊參軍

晉石勒載記勒以參軍樊坦清
負擢授章武內史既而入辭勒

見坦衣冠敝壞大驚曰
樊參軍何貧之甚也

抄書日者家

元許衡傳衡遭
世亂且貧無書

嘗從日者家見書疏
義因請寓宿手抄

賀五

增詩魏曹植贈徐幹詩曰顧念蓬室士負賤誠足憐薇
藿不充虛被褐猶不全 晉左思詠史詩曰主父宦不
達骨月還相薄賈臣困樵采伉儷不安宅陳平無產業
歸來翳負郭長卿還成都辟立何寥廓四賢豈不偉遺
烈光篇籍當其未遇時憂在填溝壑英雄有迹邇由來
自古昔何世無奇才遺之在草澤 原又曰習習籠中

鳥舉翮觸四隅落落窮巷士抱影守空廬出門無通路

枳棘塞中塗計策棄不收塊若枯池魚外望無寸祿內

顧無斗儲親戚還相蔑朋友日漸疎 晉張望詩曰荒

墟人迹稀隱僻閭閻濶葦籬自朽損毀屋每寥豁炎夏

無完絺隆冬無暖褐四體困寒暑六時疲飢渴營生生

愈痒愁來不可割 江迥詩曰華門不啓扉環堵蒙蒿

榛空瓢覆壁下簞上自生塵出問誰家子憊哉亦何貧

陶潛負士詩曰安貧守賤者自古有黔婁好爵吾弗

營厚饋吾不酬一旦壽命盡蔽覆乃不周豈不知其極
非道固無憂 增又曰淒厲歲將暮擁褐曝南軒前圃
無遺秀枯條盈北園傾壺絕餘瀝窺竈不見煙詩書塞
坐外日是不遑研 原又曰榮叟老帶索欣然方彈琴
原生納決履清歌暢高音斂袂不掩肘藜羹乏恒斟豈
忘襲輕裘苟得非所欽 鮑照愁苦行曰湮沒雖死悲
貧苦即生劇長歎至天曉愁苦窮日夕盛顏當少歇鬢
髮先老白親友四面絕朋知斷三益空庭慙樹萱藥餌

饋過客貧年忘日時黯顏就人惜俄頃不相酬慙怩面

已赤或以一金恨便成百年隙心為千條計事未見一

獲以此窮百年不如還窀穸 袁伯文述山貧詩曰傭

祿倦閭閻耕牧憊松邱製荷依露壑寒若逗霜洲鬢垂

驚年素膚耗盈帶憂幸有深栖性幽山可以留 蕭璟

貧士詩曰四時迭來往苦辛隨事迫三冬泣牛被五月

披裘客遲遲春日永憂來安所適季秋授衣節荷裳竟

不易班超棄筆硯婁敬脫挽輓雖云丈夫志終涉自媒

迹賢哉顏氏子飲水常怡懌 增唐賈島朝飢詩曰市

中有樵山此舍朝無煙井底有甘泉釜中乃空然我欲
見白日雪來塞青天立聞西牀琴凍折兩三絃饑莫詣
他門古人有拙言 杜甫同谷縣歌曰長鑱長鑱白木

柄我生託子以為命黃精無苗山雪盛短衣數挽不掩
脛此時與子空歸來男呻女吟四壁靜嗚呼二歌兮歌
始放閭里為我色惆悵 又貧交行曰翻手作雲覆手
雨紛紛輕薄何須數君不見管鮑貧時交此道今人棄

如土 又空囊詩曰翠柏苦猶食明霞高可餐世人共

鹵莽吾道屬艱難不爨井晨凍無衣牀夜寒囊空恐羞
澀留得一錢看 又戲贈鄭廣文詩曰才名三十年坐
客寒無氈賴有蘇司業時時乞酒錢 高適詠史詩曰
尚有綈袍贈應憐范叔寒不知天下士猶作布衣看

岑參題新鄉王釜廳壁詩曰憐君守一尉家計復清貧
祿米常不足俸錢供與人 劉蕪貧女詩曰蓬門未識

綺羅香擬託良媒益自傷誰愛風流高格調共憐時世

儉梳妝敢將十指誇偏巧不把雙眉鬪畫長苦恨年年
壓金線為他人作嫁衣裳 王建贈崔禮駙馬詩曰鳳

凰樓閣連宮樹天子崔郎自愛貧金埒減添栽藥地王
鞭平與賣書人家中絃管聽常少分外詩篇看即新一
月一回陪內宴馬蹄猶厭踏香塵 宋黃庭堅詩曰李

髯家徒四立壁未嘗一飯曾留客春寒茅屋交相風傍
牆捫蝨讀書策老妻甘貧能養姑寧剪髻鬟不典書大
兒得食不得魚小兒得禪不索襦 蘇軾贈西蜀楊耆

詩曰孤邨微雨逐秋涼
逆旅愁人怨夜長
不寐相看惟
捩馬愁吟互答有蛩螢
天寒滯穗猶橫畝
歲晚空機尚
倚牆勸爾一杯聊復睡
人間貧富海茫茫
陸游貧述
詩曰寒生肌粟苦衣單
瘦減頭圍覺帽寬
荒寂在家猶
逆旅窮空養老亦蔬餐
柴青竈突騰烟細
膏盡燈釭照
字難猶喜新醕三斗熟
半窓梅影助清歡
天台民宋
氏鬻廬詩曰自歎年來
刺骨貧
吾廬今已屬西鄰
殷勤
說與東園柳
明日相逢是路人
張景修貧居詩曰茅

簷月有千錢稅稻飯年無一粒租生事蕭條人問我水
芭蕉與石菖蒲 元虞集詠貧士詩曰老骨寒不寐夜
長况聞風心悸危欲折跼蹐敗絮中鷄鳴當晨參馬疥
芻不充山童衣百鴉喚之愧怱怱求火掃木葉庭樹亦
已空決起不敢怠曙光屋南東苟遂牛馬性放歸春草
豐 中丞趙世安常為伯生請曰虞集久居京師甚貧且
病幸假一外職使醫文宗怒曰一虞伯生汝輩不容
耶

原賦漢揚雄逐貧賦曰揚子遁世離俗隱處左鄰崇山

右接曠野鄰垣乞兒終貧且窶禮薄義敝相與羣聚惆
悵失志呼貧與語汝在六極投棄荒遐好為庸卒刑戮
是加匪惟幼稚嬉戲土沙亦非近鄰接屋連家恩輕毛
羽義薄綺羅進不由德退不受呵久為滯客其意若何
人皆文繡余褐不完人皆稻粱我獨藜飧貧無寶玩何
以接歡宗室之宴為樂不樂徒行負笈出處易衣身服
百役手足胼胝或耘或耔霑體露肌朋友道絕達官凌
遲厥咎安在職汝為之舍汝遠竄崑崙之巔爾復我隨

翰飛戾天舍爾登山巖穴隱藏爾復我隨陟彼高岡舍
爾入海汎彼柏舟爾復我隨載沈載浮我行爾動我靜
爾休豈無他人從我何求今汝去矣勿復久留負曰唯
唯主人見逐多言益啜心有所懷願得盡辭昔我乃祖
宣其明德克佐帝堯誓為典則土階茅茨匪雕匪飾爰
及季世縱其昏惑饕餮之羣貪富苟得鄙我先人乃傲
乃驕瑤臺瓊室華屋崇高流酒為池積肉為崿是用鵠
逝不踐其朝三省吾身謂予無讐處君之所福祿如山

忘我大德思我小怨堪寒能暑少而習焉寒暑不忒等
壽神仙桀跖不顧貪戾不干人皆重閉子獨露居人皆
怵惕子獨無虞言辭既罄色厲目張攝齋而興降階下
堂逝將去汝適彼首陽孤竹之子與我連行予乃避席
辭謝不直請不貳過聞義則服長與爾居終無厭極貧
遂不去與我遊息

增疏漢晁錯論貴粟疏略曰民貧則奸邪生貧生於不
足不足生於不農不農則不地著不地著則離鄉輕家

民如鳥獸雖有高城深池嚴法重刑猶不能禁也夫寒之於衣不待輕煖飢之於食不待甘旨飢寒至身不顧廉恥人情一日不再食則飢終歲不製衣則寒夫腹飢不得食膚寒不得衣雖慈母不能保其子君安能以有其民哉

原賤宋晃道元與吞公賤曰道居在城南接水壩草木幽鬱蚊蚋所藏茅茨陋宇纔容數牀積汗累燠體貌萎黃冬則兩幅之薄被心有牽藜與敝絮撤以三股之絲

綖袷以四升之麤布狹領不掩其巨形促緣不覆其長度申脚則足出襁捲則拳露

原書魏應璩與韋仲將書曰夫以原憲縣罄之居而值皇天無已之雨新芻既盡舊穀亦傾進無顏子不改之志退無揚雄宴如之情人非神仙須仰衣食方今體寒心飢憂在旦夕而欲東希朱昌治生之物西望陵縣厨食之祿誠恐將為牛蹄中魚卒鮑氏之肆矣又與董仲連書曰穀糴驚踴告求周鄰日獲數升猶復無薪可

以熟之雖孟軻困於梁宋宣尼飢於陳蔡無以過此夫
挾管晏之智者不有廝役之勞懷陶朱之慮者不居貧
賤之地出蒙譏於臧獲入見責於嬪息忽使邑憤不知
處世之為樂 又與尚書諸郎書曰夫秋節涼和霖雨
清閑正高會之盛時飲宴之良日也而陋巷之居無高
密之宇辟立之室無旬朔之資流潦浸於北堂隙漏霑
於衣服藁蒸單竭儋石傾罄中饋告乏役者莫興飯玉
炊桂猶尚優泰雖欣皇天之降潤亮水車之思雨私懷

感額良不可言想諸夫子亦斯困也夫否泰潛升蓋由
昏明二三執事以龍虎之姿遭風雲之會方將飛騰閭
闔振翼紫微運籌幃幄顯揚豐績豈久沈滯於下職契
濶於貧悴哉 增宋張融與從叔永書曰融昔幼學早
訓家風雖則不敏率以成性布衣韋帶弱年所安簞食
瓢飲不覺不樂但世業清貧人生多待榛栗棗脩女贄
既長束帛禽鳥男禮已大勉身就官十年七仕不欲代
耕何至此事 又與王僧虔書曰融天地之逸人也進

不辨貴退不知賤實以家貧累積孤寡傷心八姪俱孤
二弟頗弱撫之而感古人以悲

增頌宋司馬光顏樂亭頌曰貧而無怨難顏子在陋巷
飲一瓢食一簞能固其守不戚而安此德之所以完

增論漢班彪王命論略曰夫餓饉流隸饑寒道路思有
裋褐之襲儋石之蓄所願不過一金終於轉死溝壑何
則貧窮亦有命也 梁劉孝標廣絕交論曰陽舒陰慘
生靈大情憂合歡離品物恒性故魚以泉涸而响沫鳥

因將死而鳴哀同病相憐綴河上之悲曲恐懼寘懷昭
谷風之盛典始則斷金由於湫隘刎頸起於苦蓋是以
伍員濯漑於宰嚭張王撫翼於陳相是曰窮交

原雜文漢蔡邕九惟文曰八惟困乏憂心殷殷天之生
我星宿值貧六極之厄獨遭斯勤居處浮漈無以自存
冬日栗栗上下同雲無衣無褐何以自溫六月徂暑炎
赫來臻無絺無綌何以蔽身無食不飽永離歡欣 增
唐韓愈送窮文曰子之朋儔非六非四在十去五滿七

除二各有主張私立名字戾手覆羹轉喉觸諱凡所以使我面目可憎語言無味者皆子之志也其名曰智窮矯矯亢亢惡圓喜方羞為姦欺不忍害傷其名曰學窮倣數與名摘抉杳微高挹羣言執神之機又其次曰文窮不專一能怪怪奇奇不可時施祇以自嬉又其次曰命窮影與形殊面醜心妍利居衆後責在人先又其次曰交窮磨肌戕骨吐出心肝企足以待寘我讎冤凡此五鬼為我五患饑我寒我興訛造訛能使我迷人莫能

間 明方孝孺題黃東谷詩後曰昔人謂詩能窮人諱
窮者固不復學詩夫困折屈鬱之謂窮遂志適意之謂
達人之窮有三而貧賤不與焉心不通道德之要謂之
心窮身不循禮義之塗謂之身窮口不道聖賢法度之
言謂之口窮三者有其一雖處乎崇臺廣廈出總將相
之權入享備物之奉車馬服食非不足以夸耀市井然
口欲言而無其辭心欲樂而有其累其窮自若也無三
者之患心無愧而身無尤當其志得氣滿發而為言語

文章上之宣倫理政教之原次之述風俗江山之美下
之探草木蟲魚之情性狀婦人稚子之歌謠以豁其胸
中之所蘊沛然而江河流爛然而日星著怨思喜樂好
惡慕歎無不畢見造化鬼神且將避之而何憊然於區
區之富貴者哉此謂之達可也雖饑寒流離夫孰可以
為窮世人不之察幸斯須之勢者多挾其所有以驕士
而不知士之非果窮已之非果達也

御定淵鑑類函卷二百八十七